

春秋屬辭辨例編

春秋屬辭辨例編卷三十一目錄

書立納入總論 一字褒貶辨

書歸入復歸復入總論 左氏四例辨 惡褒貶辭辨

書立 貶衛立晉不與立辨

立不書 衛射公羊說辨

書納 書納書伐納公羊說辨 納者不宜納辨 諸侯納諸侯

說辨 正諸侯納大夫非正辨 糾小白是非辨 納頓子穀梁

書納內不受辨 納捷菑公穀說辨 納北燕伯公羊說辨 書奔又

納孔甯儀行父左傳杜注說辨 諸家子楚討賊辨不繫陳

納不書 鄭突劉氏說辨 衛朔公羊劉孫說辨 晉惠晉文公

書入 左杜列辨 齊孝左傳事辨 劉說辨 宋魚石不與納辨

辨 突不書入鄭舊說辨 衛朔公穀說辨 齊小白公羊說

辨 糾小白長幼諸說辨 衛獻公羊說辨 紀季穀梁說

入不書 晉惠公羊說辨 晉文諸家說辨

書歸

歸為善辭辨 鄭突公羊說辨 歸和益公羊胡傳說辨 衛鄭公

季子

杜氏說辨 宋華元左氏胡傳說辨 楚比公穀說辨

晉趙鞅公穀說辨

歸不書

成十年鄭伯高氏說辨

諸侯復國變文不書歸

書復歸

歸復歸諸侯大夫衰貶互異辨 衛鄭胡氏說衛所左公說辨

諸侯復國不書復歸

衛胡杜解辨 衛鄭書歸不與復辨 曹

書復入

魚石事不書楚鄭取彭城不與楚鄭辨 樂盈事公羊

變文不書復入

書自某歸于某

不書自某歸

書自某入于某

不書自某入

歸入奔納繫國不繫國

春秋屬辭辨例編卷三十一

錢唐張應昌學

○書立納入總論 一字褒貶辨

國人立之曰立他國立之曰納從外曰入

公羊莊六年注疏

納例有三有書伐而納者有書納而不書伐者有書帥師而納者是皆以兵納納之正否經之褒貶不繫乎一納字要當觀其所以納若執一納字定褒貶則拘矣入字亦然有以內援入者有以外援入者有當入而入者有以篡而入者褒貶亦不專繫於一入字觀經之全文與上下文乃見以一人字而定褒貶亦拘矣

家鉉翁詳說莊九年

○書歸書入書復歸書復入總論

左氏四例辨歸入善惡褒貶辭辨

公羊四例辨

春秋之法易者曰歸難者曰入復其位曰復歸復其惡曰復入鄭突因蔡仲之援逐世子忽出奔而復歸焉蓋易也故書曰突歸于鄭忽當有鄭伯之位迫突見逐而出奔忽歸無難而位又復也故書曰鄭

世子忽復歸于鄭齊小白外有子糾爭立內無大臣爲援遽以兵奪國難也故書曰齊小白入于齊宋魚石奔楚藉楚而入彭城出既有惡入又據邑以叛復其惡而不悛也故曰宋魚石復入于彭城春秋以一字定其難易之迹故有書歸復歸書入復入四者之異其事之善惡順逆則皆隨其所書而可見矣

孫覺經解  
恒十一年

歸者順辭也有易辭焉非所順而書歸易也入者逆辭也有難辭焉非所逆而書入難也

劉敞傳桓  
十一年

凡諸侯及大夫去國歸以其道而順者曰歸雖非其道而無難之者亦曰歸歸順辭也亦易辭也歸非其道而逆者曰入雖有道而有難之者亦曰入入逆辭也亦難辭也

葉夢得傳  
桓十一年

○順則易逆則難其理

固相因然亦有順而難者內有敵也亦有逆而易者內有主也楚公子比人以弑君書此宜以逆而書入者也然比非實弑者故書楚公

子比自晉歸于楚而不言入公羊曰此弑君者其言歸何歸無惡於弑立也歸無惡於弑立者何公子棄疾脅比而立之也此特書歸以見義者也齊公子陽生長而宜立此宜以順而書歸者也然茶父命之而已以詐奪之謂之順則不可也故書陽生入于齊而不言歸穀梁曰陽生正茶不正不正則其曰君何也茶雖不正已受命矣入者內弗受也茶不正何用弗受以其受命可以言弗受也此特書入而見義者也言春秋者能知此然後不以辭害義矣

葉夢得春秋攷

左氏歸入復歸復入四例皆不可通蓋左氏不辨逆順難易之理又不別君臣之義不可以同辭而一之故其說每相戾凡歸皆順辭也易辭也入皆逆辭也難辭也四者各卽其實言之復者以位言也國君出奔其位未絕故可言復歸大夫去國則絕矣故不可言復歸

得左傳識成十八年

公羊四例皆非卽傳而言鄭突不當爲君而篡其兄忽當爲君而奪  
於弟突者出有惡者也反從出入無惡例書歸忽出入無惡者也反  
從出有惡例書復歸可乎非特此也衛成公始以殺叔武爲伯主所  
執未歸而又殺公子瑕乃從出入無惡例書歸趙鞅去晉陽欲除君  
側之惡人據之以叛罪不重於欒盈而書入魚石與於蕩山之亂不  
容於宋而出奔罪不輕於荀寅士吉射而書復入則無一可通矣

得公羊  
傳諱

國逆而立之曰入以下皆左氏自爲例故劉氏曰國逆未必言入言  
入者未必國逆復其位者未必言復歸諸侯納之者未必言歸以惡  
入者或言復入或不言復入事與例合者少與例違者多

程端學三  
傳辨疑

左氏曰國逆而立之曰入復其位曰復歸諸侯納之曰歸以惡曰復  
入然如鄭突入棧殺檀伯豈國逆乎衛朔入衛何以不言復歸楚納

公孫寧儀行父何以不言歸乎公羊曰入者出入惡歸者出入無惡  
復歸者出惡歸無惡復入者出無惡入有惡然許叔入于許豈有惡  
乎突歸于鄭赤歸于曹豈無惡乎衛侯鄭自楚復歸于衛以殺叔武  
也豈出惡歸無惡乎元咺之復歸亦得云無惡乎朱魚石要楚以伐  
宋其出豈無惡乎穀梁曰歸為善入為內弗受又曰大夫反國以好  
曰歸以惡曰入揆之各事亦不盡通

王皆皇綱論  
孫覺經解參

君大夫反國易曰歸

衛侯曹伯釋其罪蔡侯廬陳侯吳復其封鄭突

之難曰入

許叔因鄭亂鄭伯衛侯莒去疾皆國有君國君已絕於位

曰復歸

出奔言復歸者由叛而見討執不言復歸位未絕也曹伯大夫抗

其君以歸則曰復歸

衛元咺趙鞅以君賊其國曰復入魚石樂盈結

本國陸氏曰良霄不書復入志在復

趙涉  
屬辭

讐非謀害國觀於子產之言可見  
書歸復歸皆未失國之辭也蔡侯廬陳侯吳國已滅而直云歸者不



子楚滅故以二侯自歸爲文抑強夷而存中國也衛侯鄭書歸者文公雖執衛侯歸京師而衛國未有篡位者不失國也曹伯云自京師者天子命之歸也天子命之歸則不失國矣至於大夫公子反國直云歸者如孫林父華元之類君許其反如蔡季楚比鄭突曹赤之類則國逆之也其有云自某者所自之國爲之請也復歸者謂初旣去矣今始來復已失國之辭也鄭忽出而突立衛侯鄭奔而叔武受盟衛侯奔亡而衛剽卽位故三侯反國皆曰復歸謂其皆失固也曹伯襄言復歸者執於晉拘於宋與失國者同矣元咺奔晉訴君晉文於是執衛侯而歸元咺於衛衛侯懼而聽命故得書歸而云復者著其位已奪也自晉者明晉納之也故不得與孫林父華元比所以惡元咺而罪晉侯也大夫出奔而反國君許之則直曰歸如始出而今歸耳以未失位之辭書之也亦猶諸侯自京師而得反國直曰歸以未

失國之辭書之也諸侯之位子奪在天子天子命之歸則不失國矣  
大夫之位子奪在諸侯諸侯許之歸則不失位矣今咺書自晉復歸  
著其位已奪恃晉復得歸爾故曰惡元咺而罪晉文

蕭楚  
辨疑

春秋書入與歸其文正相反歸善辭也有非善亦曰歸者以國逆之  
也入惡辭也有非惡焉亦曰入者以其非國逆也王猛入于王城天  
王入于成周正也非不善者而書入以見成周王城已為子朝之黨  
所據王以兵勝而入之非王城成周逆而受之也許叔入于許異乎  
齊小白陽生莒展與之入也非國逆之也衛侯入于夷儀比鄭伯突  
衛侯朔之入亦有閒矣若良霄樂大心為國賊臣其書入乃惡辭又  
皆反國也而有難易逆順之別焉其入也易則謂之歸歸順辭也其  
歸也難則謂之入入逆辭也鄭突因忽之弱

桓十

曹赤因羈之奔

莊二

十衛侯鄭先誅瑕咺

僖三

蔡侯廬陳侯吳復返故國

昭十

邾益衛彊

有助之者哀八曹伯趙鞅有請之者僖二十八蔡季楚比有召之者定十三

桓十七其國莫為之難則其入也易故同謂之歸也大夫而志歸者

其罪釋也復得其位故也鄭忽之出宋立突以篡之衛侯鄭之出晉

立叔武以代之曹襄為晉所執而分其地衛衍為臣所逐而不得入

其失位非其罪也故於歸以復位晉之許叔之入許鄭雖與之非國

人之謀也桓十陽生之入齊齊雖召之非國卿之意也哀六鄭伯之入

櫟桓十小白之入齊莊九衛衍之入夷儀襄二去疾之入莒昭元衛朔之

入衛莊六王猛之入王城昭二天王之入成周昭二其國有與之競則

其歸也難故同謂之入也大夫而志入者欲以叛也復入者欲覆其

宗國也張大亨通訓

胡傳云書歸有二義一易辭一順辭書入亦有二義一難辭一逆辭

莫逆於突歸鄭亦歸曹而書歸莫順於王猛入王城天王入成周而

書入則順逆之說有時而適相反矣凡書歸皆易辭凡書入皆難辭  
蓋凡以亂而入以衆而入者書入可以安而歸者書歸此史氏之文  
聖人因之而不革而其事之善惡聖人之褒貶不與焉○桓十一年  
突歸于鄭書歸十九年入于櫟書入一突也前書歸後書入豈前之  
歸爲順而後之入爲逆乎前之歸恃宋與仲後之入宋怒而仲不納  
忽在鄭而突入其旁邑蓋亦難矣故知歸入無與於褒貶也華學泉疑義  
返國而難則書入莒去疾是也展與據國而強入焉難可知矣而鄭  
伯突衛侯朔則爲逆辭不獨其事本逆也魯宋衛陳蔡同心助突齊  
魯宋陳蔡以納朔而抗王師則其入也何難乎返國而易則書歸鄭  
世子忽衛侯鄭衛侯衍是也突既奔則忽之歸易矣叔武爲守王與  
晉釋之則鄭之歸易矣剽既弑則衍之歸易矣方苞通論  
歸者未必盡善以內外有援爲易辭耳入者不必盡惡以內外有難

為難辭耳惟復入則甚惡

俞汝言平義

○書立

聚衛立晉不與立辨

書立四晉與子朝皆不宜立武官煬官皆非所當立也故書法同晉

為國人所與子朝獨為尹氏所與故書法異

李廉會通隱四年

衛人立晉一國之公也尹氏立朝一族之私也

汪克寬纂疏引程迥同上

嗣子有常位不必言立言立不宜立者也

御纂直解

書立君二衛人立晉不告於王慨天下之無王也尹氏立王子朝晉

不之問慨天下之無霸也

姜炳璋讀左補義

隱四年冬衛人立晉

左衛人逆公子晉于邢十二月宣公即位○穀梁立者不宜立

也其稱人以立之何也得眾也○晉雖諸侯之子不稟命於天

子眾謂宜立而遂自立焉可乎故於衛人特書曰立所以著擅

置其君之罪胡傳

○立君之權在天子職在方伯司寇擇當立之

君而請於天子天子命之則正也若衛人自立之則天下無復

有共主而君不得爲臣綱矣衛人立晉猶曰衛人自立晉矣不

辭費而聖人傷世尊主之心昭然可見

程端學本義

○殺州吁者石

碯也則迎晉者亦碯也乃不同碯於尹氏之立王子朝而書衛

人明非碯之私也  
不同晉於齊小白之入于齊而書衛人之立

明非晉之爭也州吁討而衆望在晉稱人者見碯之從衆晉之

得衆也然衆可以討賊而不可以立君晉可以爲君而不可以

立於衆國承之父命出之王衛人不請於王而擅置其君晉利

國人之奉已而專有其國皆非也人可立君則生事以邀功市

恩以竊國階之亂矣特書立以止亂也

直解

春秋亡公子自外入而得國者多矣如齊小白陽生入于齊突

歸于鄭亦歸于曹之類或書入或書歸皆不以立書也惟衛宣  
不書入歸而變文書衛人立晉諸儒以爲不稟王命而立君不  
與其立論固正大但春秋之世大夫立君如季友之立僖襄仲  
之立宣宋督之立馮齊高國之立小白晉趙盾之立黑臀樂書  
中行偃之立周齊陳乞之立陽生皆不稟命於王不承國於父  
而立者何以不書其立而獨書此春秋於四國伐鄭之後繼書  
衛人殺州吁于濮又繼書衛人立晉見衛人能不以篡賊爲君  
相與仗大義而誅之所以不書入不書歸而變文書立以表異  
之至其不稟王命則廢之中而見責備之意者也當是時四國  
連兵而來爲篡賊植黨州吁之勢成矣而石碯以告老大夫非  
有權位之可倚毅然以討賊自任不動聲氣元惡卽除乃逆晉  
於邢而立可謂人臣之甚難是故變文特書以示別異而中見

責備之意謂之責備則可謂之直貶斷斷乎非春秋意也

家鉉翁詳

說

○爲弑君者所立因遂不討賊有雖討之而不以其罪胡氏

所謂幸於禍而忘其讐誘於利而忘其辱者非春秋所與也獨

衛晉者異於是石碯得討賊之誼宣公無取國之嫌故特書衛

人立晉於殺州吁之下見其不與晉惠齊景宋莊諸公同

齊履謙統

紀

○石碯滅親定亂討叛反正天下多之故特書如此二傳乃

以爲不正然則孰爲正乎

俞汝言四傳糾正

○遇弑而討賊立君以葬

先公春秋時僅見衛事故通經外君繼故而立者皆不書獨書

此一事當是聖人以衛事示後人遇變當如此而於晉於衛人

未有深責也宋殤弑而馮立宋閔弑而御說立晉靈弑而黑臀

立晉厲弑而周立不書立者賊未討也討賊立君惟衛與齊而

小白書人不書立者有爭國殺糾之罪也然則於晉何責於衛



人何責公穀皆言立者不宜立也而公羊不言所以不宜立之故穀梁以爲立君以正不以賢夫衛桓之世適有無存亡不可攷何憑而斷晉之不正邪程子胡傳以爲不請命天子不受命先君書立以著擅位之罪諸儒爲之說曰宋馮宋御說晉黑臀晉周之不書立彼有賊不討君不葬之罪齊小白之不書立有爭入殺糾之罪故其擅立不足以責晉無諸人之罪故罪其未請命未受命若是則獨以請命受命之義責晉春秋不若是之苛也故知書衛人者著衛人之公非若尹氏之私也書衛大立晉者著晉爲衛人所立非若朝爲尹氏所立也不書公子晉原未受公子之命也

張自超宗朱辨義

○春秋書弑二十四繼立者非弑

君自君卽奉自亂賊非兄弟爭國卽藉手外援衛晉有一於此乎聖人究觀終始以爲此二百四十二年絕無而僅有爰大書

特書曰衛人立晉以見繼世者非討賊不可爲君非得衆不可爲君也先儒不察責以不承國先君不稟命天子噫討賊如衛得衆如晉苛求尙爾彼篡奪者何以言之

萬斯大學春秋隨筆

○按傳衛

人送公子晉於邢則以齊小白入于齊之文例之當書曰衛晉入于衛乃以衛人立晉爲文者蓋著石碯之忠於謀國也以大義討賊以大義立君二百四十二年之中大臣定亂之功未有出碯之右者觀宋之納鄭突秦之納晉夷吾皆責賂無已兵連禍結則碯之立晉其功大矣故一則書曰衛人殺州吁再則書曰衛人立晉語氣正相類先儒乃謂聖人著其擅立之罪然則書衛人殺州吁亦爲著其擅殺之罪乎

葉西究遺

○晉未見其不宜立也雖不命于先君而國不可以無主爲衆之所予則入而承其統焉可也蓋異乎不待迎而入國者矣予之也

何焯讀書記

○舍

是無立君者乎有之有則何以不書不告也春秋之初理法尙存以立君爲重事故以告辭及魯而書其後亂賊公行以立君爲常事不告故亦不書也

郝懿行說略

○愚按舊說以爲不宜立其

義亦正大然讀家氏齊氏諸說則經意固予之而非責之也而張氏萬氏葉氏說尤得特筆之旨郝氏則謂後此立君者不告不書此尙見春秋初年之禮法持論亦通並存之又按胡傳本程子以不書公子爲貶非也張氏自超駁之又詳貶不書氏駁辨門

昭二十三年秋尹氏立王子朝

穀梁立者不宜立者也○王猛當立而未能立故稱大邑以之而不言立敬王當立又能立矣故稱天王居于狄泉而不言立子朝不當立者也特稱立而目尹氏見世卿之擅權亂國

胡傳

書尹氏立王子朝明非周人所欲立

杜注

○衛晉係衆人同欲立

猶且不可今尹氏一己之私而立之以亂周室罪尹氏也

高閏集注

○立不書

衛剽公羊說辨

義見前衛人立晉家氏張氏郝氏說

桓二年

宋莊公馮

莊十年

宋桓公御說

宣二年

晉成公黑臀

成十八年

晉悼公周

張氏說見前立晉

桓六年

衛黔牟

方氏說見辨諸侯失地名門衛侯朔出奔齊

襄四年

衛殤公剽

公羊以剽不書立爲惡衛侯誤矣剽立於孫宿之手與衛人立

晉不同故不書立豈惡衛侯乎

彙纂案見襄二十五年

書納

書納書伐納公羊說辨正諸侯納大夫非正辨

納者不宜納辨糾小口是非辨

諸侯納諸侯納頓子穀梁

說辨

納捷菑公穀說辨

納北燕伯公羊說辨

納頓子穀梁書奔又

書納

納孔甯儀行父左傳杜注說辨諸家予楚討賊辨不繫坤

舊說辨

納者不受而強致之稱

胡傳莊九年

公羊云納者入辭也非也納者得入不得入未可知也又曰伐而言

納者猶不能納也非也有伐而納者有圍而納者有未嘗伐未嘗圍

而納者各據實書之耳

劉敞權衡莊九年

言歸入自某者挾彼國之勢其重在於歸入之人書納者其重專在

於納之者矣蓋王政不綱國君世子大夫歸復廢立不由王命惟諸

侯之强有力者專之罪惡淺深各存乎其事矣

張洽集傳引劉綱傳二十五年

書納者六皆用師以納之莊九年公伐齊納糾伐而納之也僖二十

五年楚子圍陳納頓子圍而納之也文十四年晉人納捷菑于郕則

趙盾帥師以納之也宣十一年楚子入陳納公孫甯儀行父于陳則楚君用師納之也昭十二年齊高偃帥師納北燕伯于陽哀二年晉趙鞅帥師納衛世子蒯瞶于戚皆以師納之也凡言納者內弗受而強制之辭此蓋內無爲之助而自外用勢力以納之耳說者曰納者不宜納也此言過矣諸侯之入其國有書入者有書歸者有書納者歸易詞也入難辭也納者內莫爲助之詞也

呂大圭或問昭十二年

捷菑不言知者下有于知之文猶納子糾不言齊者上有伐齊之文也頓子北燕伯舊是國君故稱其國納衛世子蒯瞶于戚者以上下無衛文故稱國也

孔疏見文十四年

趙鞅之納蒯瞶比趙盾之納捷菑則有閒矣諸侯而廢置諸侯不可也况大夫乎然趙鞅之納正故蒯瞶稱世子若趙盾之納不正故捷

菑不稱世子

蕭楚辨疑

國君世子國其所自有迫於強臣逆子而不得入其書納者順辭也  
大夫去國則義已絕而假外援以抗君父其書納逆辭也公子書納  
著其乘亂爭國之迹也而先儒皆以內不受爲義誤矣

方苞直解  
宣十一年

以書納蔽罪納者非也是非各存乎其事不係乎書納

又通論

文定謂諸侯失國諸侯納之正也諸侯世也大夫失位諸侯納之非  
正也大夫不世也義亦未盡諸侯而爲強鄰巨族所迫納之正也若  
得罪宗廟社稷爲天王所罰納之非正也大夫而得罪失位納之非  
正也若爲同列所逐或有故不得已而去於故君猶有未絕之義則  
請於其國而納之未嘗非正也何必以世不世爲論哉

張自超宗  
朱辨義

愚按書納內弗受也此卽所謂不受而強致之也非不當納之謂也  
凡納有宜納者有不宜納者其爲強制則同以爲內弗受者義可通  
以爲凡書納皆不宜納則非也劉氏蔽駁穀梁恐誤

莊九年夏公伐齊納糾齊小白入于齊

傳稱鮑叔牙以小白奔莒管夷吾召忽奉子糾來奔則二子在國寵均勢敵故國內各有其黨齊大夫來盟于莒直是子糾之黨來迎子糾耳若其舉國同心共推子糾來迎卽宜付之不須以盟要之今旣與之盟而興師送糾是二公子各自有黨須伐乃得入故公伐齊也昭十三年傳稱桓公有國高以爲內主則國子高子是小白之黨也彼迎小白旣早公送子糾又遲公伐齊納子糾始行卽書小白入齊得告乃書故至齊之時出小白之後孔疏○伐齊納糾欲納之而實未能納也故納而得入則書其國楚人納頓子于頓楚人納公孫甯儀行父于陳是也未得國而入於邑則書邑齊高偃納北燕伯于陽晉趙鞅納世子蒯瞶于戚是也莊公納子糾以國則小白已君以邑則糾未能入



故但書納以見其不能納也

呂大圭或問

○忘讐而納其子與師以

助不正書公伐齊書納糾而罪惡著矣

汪克寬纂疏

○此未成納也

宜從晉人納捷菑于邾弗克納例書之而曰伐齊納糾者著公

以伐齊爲名而意主於納糾也

高澍然釋經

○旣盟矣而又伐齊以

納之者必齊大夫於糾與小白之間各有援立之私而來受盟

之大夫不能得之於欲納小白之大夫也蓋既魯地也齊大夫

旣來受盟必不速渝公旣盟而不卽納必知齊人有不欲立糾

者而整師徒以壓齊衆也

張自超宗朱辨義

○納者逆辭也入者難辭

也凡書例必曰某國某名糾與小白均非世嫡均無先君之命

則未知其孰宜立也春秋著其爭立之本末已爾說春秋者或

以爲糾宜爲君或以爲小白當有國者皆非也

牛通震傳

○愚按李

氏廉曰子糾三傳皆以爲當納趙氏程子胡氏以爲不當納蓋

杜氏以糾小白並齊僖之子而糾長故當立獨程子以史記證之定以糾爲襄公子於是魯納讐之罪明定以糾爲小白弟於是糾不當立之義著按李氏此說尙未得爲不易之論見後書入門齊小白條下糾小白考

僖二十五年秋楚人圍陳納頓子于頓

穀梁納者內弗受也○圍陳而納頓子明頓子迫於陳而出奔

楚納之知其出奔楚

孔疏

○不與納也諸侯失國諸侯納之正也

何以不與中國不能修方伯之職使楚人仗義納之書曰楚人

圍陳納頓子于頓其責中國深矣

胡傳

○胡傳義甚正獨所謂不

與納者意太曲蓋春秋與楚之納以罪陳及中國諸侯也

張自超

朱辨義

○此見諸侯不能恤小反使夷狄行其義閔中國無霸也

張洽集注

○頓國小弱介於陳楚陳欲兼併之故前年楚伐陳城頓

此年納頓子保全微國以示恩責義於陳以示威皆爲圖伯之

地

汪克寬纂疏

○呂說見上○穀梁云納頓子者陳也按經文楚納

之何關陳事

陸道辨疑

○何休曰陳納之何以不言陳

穀梁疏引鄭元起廢疾

文十四年秋晉人納捷菑于邾弗克納

左邾文公元妃齊姜生定公二妃晉姬生捷菑文公卒邾人立

定公捷菑奔晉晉趙盾以諸侯之師八百乘納捷菑于邾邾人

辭曰齊出獲且長宣子曰辭順而弗從不祥乃還○公羊其言

弗克納何大其弗克納也按此譏其不量事而勞師爾聞義能

止善可補過何足大之又曰其稱人何貶不與大夫專廢置君

也亦非也縱令諸侯豈得專廢置國君乎穀梁曰稱人微之也

亦非也按例宣公以後侵伐多書卿名文公以前皆稱人非貶

也

陸道辨疑引趙匡

○晉爲盟主諸侯立子有弗善當馳使問其孰當

立不當遽興兵入國此趙盾始謀之不審也卻缺以諸侯之師  
次於城下始知獲且為長而還輕動大眾者盾也知義之弗克  
引而還者卻缺也

家鉉翁詳說

○盾執伯國之政奉不正而奪正其

罪甚矣

汪克寬纂疏

○公伐齊納糾糾與小白爭入也書小白之入

而納糾之弗克可知晉人納捷菑于邾獲且已定位而捷菑爭

之也故必書弗克納

戴祖啟五測

○貶書人駁辨參看書人門

昭十二年春齊高偃帥師納北燕伯于陽

左齊高偃納北燕伯欵于唐因其眾也杜注陽即唐不言于燕

未得國都○欵播越在外十年矣不能自復而藉齊之力僅能

納之於別邑而已

高閌集注

○言納者與納也諸侯失國諸侯納之

正也

劉敞傳

○凡言納者強致之辭內無助而外用勢力以納之

耳或曰納者不宜納也非也書之曰北燕伯是燕之君也豈有

不宜納者邪

呂大圭或問

○三年北燕伯出奔六年齊將納之不果

亡在外十年矣終能納之於境內其卹隣濟難之義得矣

湛若水正

傳

○北燕伯非齊師則不可得入然但于陽而不予燕則齊人

爲義未力而逆臣盤據猶固也

賀仲軾歸義

○陳君舉家則堂謂書

奔又書納者惟北燕伯衛蒯賁是內不受之辭非也苟蒯賁爲

內不受則不當書世子况北燕伯國其所有者乎書納某于某

者難辭也言拒於強臣逆子不得違反其國也

方苞直解

○昭三年

經書北燕伯欵出奔齊今經又書齊高偃納北燕伯于陽其爲

諸侯明矣公羊乃摘伯于陽三字而以爲公子陽生不惟昧經

旨雖訓詁亦憤然也

程端學辨疑

○公羊謂納公子陽生其謬明甚

是時孺子荼未生陽生何所嫌而奔燕

王夫之稗疏

哀二年夏晉趙鞅帥師納衛世子蒯賁于戚

左趙鞅納衛太子于戚甯迷陽虎曰右河而南必至焉使太子  
綏八人衰經僞自衛逆者告於門哭而入遂居之○世子不言  
納位其所固有國其所宜君無事乎納也凡公子出奔復國者  
其順且易也則曰歸有奉焉則曰自其難也則曰入不稱納矣  
况世子哉今蒯瞶書納稱世子罪衛人拒之也蒯瞶出奔靈公  
未嘗有命廢之立他子及公之卒大臣乃從輒之所欲而君之  
以子拒父此所以稱世子也繫納衛世子於趙鞅帥師之下而  
靈公與衛國大臣不能早正國家之本以致禍亂其罪見矣胡傳  
○于戚內弗受也輒拒父也後十三年而蒯瞶自戚入于衛衛  
侯輒來奔則是輒拒父也陳傳良後傳○言納世子明所納者正異  
乎晉納捷菑言于戚見爲輒所拒而不得入于衛也高問集注○輒  
之立非有靈公之命也蒯瞶初不過以疑似之迹出奔以待父

之察爾輒遂以父爲罪人靈公卒而遽立乎其位無父甚矣趙

集傳○程子曰崩殯得罪於父不得復立輒亦不得背父而不與

其國爲輒計者委於所可立使不失君之社稷而身從父則義

矣此說得之公穀王父命之說非是李廉會通○書帥師書納于戚

著其見敵於衛著輒與國人之罪也王燕輯傳○靈公黜其子而子

其孫出公不父其父而禍其祖人倫不正甚矣正名一語雖爲

衛輒而發考春秋所書若州吁若惠公若公孫剽其禍亂皆出

不知正名之罪然後知聖言所包者廣齊履謙統紀○以王父命辭

父命此曲說也王父者因父而得稱者也既無父安有王父子

曰必也正名乎春秋書世子蒯聵即正名也並無輒當立之意

亦無當立公子郢之意蓋輒貪國拒父但知有土地不知有父

子夫子正名但使之知有父子知有父子而衛之國定矣天下

之爲父子者亦定矣

陳遷鶴紀疑

夫子正名之論不爲衛君之論

明言輒之非矣春秋書納賸于戚而不得入國罪輒之拒父也

張自超宗朱辨義

○胡傳云書納見蒯賸無道爲國人所不受非也北

燕伯頓子書納則非無復國之道可知矣書納於某地者明拒

於強臣逆子不得遽反其國也使蒯賸之罪不得復承嗣則不

宜書世子

方苞直解

○古今未有子爲君而父欲奪之者衛當日使

有如潁考叔李泌者調劑其間不至如此由趙鞅志在圖范荀

欲居蒯賸爲奇貨以購成衛亂鞅乃罪魁也

張尙虔左傳折諸

○公羊

曰曷爲不言入于衛父有子子不得有父也非也但得入戚未

得入衛故不得言衛何以見父得有子乎

劉敞權衡

○參看書園門

哀三年圍戚彙纂案

以上納諸侯



宣十一年冬楚子入陳納公孫甯儀行父于陳

穀梁納者內弗受也輔人之不能民而討猶可入人之國制人  
之上下使不得其君臣之道不可范甯注輔相鄰國有不能治  
民者而討其罪則可二人與君昏淫當絕而楚強納之是制人  
之上下○此二臣者從君於昏致亂之臣也肆諸市朝與衆同  
棄然後快於人心今乃詭辭奔楚託於討賊復讎以自脫其罪  
而楚莊不能察其反覆又使陳人用之特書曰納不受而強納  
之者也爲楚莊者宜奈何諸徵舒之官封洧治之墓尸孔甯儀  
行父於朝謀於陳衆定其君而去其庶幾乎胡○左氏曰書有  
禮也非也以納亂臣爲有禮孰爲非禮陸道辨疑○諸家多以  
討賊譽楚愚按楚子初謂陳人無動將討於少西氏已乃入陳  
而縣之是以盜賊之行給而取之也討賊者如是乎徵舒弑陳

靈者也甯行父昏淫致陳靈之弑者也以法則徵舒之罪重以

情則甯行父之罪尤重今殺徵舒而納甯行父討賊者如是乎

楚子受甯行父之奔故殺徵舒爲二子報私忿欲因而利之耳

諸家與楚以討賊何過邪黃震曰鈔○楚子不討而反納之其殆二

臣許以陳輸楚故使之爲鄉導歟黃仲炎通說○入陳卽納甯行父

則知謀出兩人而陳自後從楚不貳者以兩人爲主於內也黃正

憲翼○二子之惡乃其君之所由以弑者亦與徵舒何異豈可

復居陳大夫之位故不繫於陳而書納高閌集注○誘君淫戲殺洩

治激徵舒射君以陳餌楚幾滅陳祀皆二賊也罪甚於徵舒所

當殺不待時者而反納之非矣王樵輯傳○甯行父若書奔則是請

討於楚也故不書奔其歸不繫陳不使得爲陳之臣也書曰楚

子入陳納甯行父于陳曰入曰納二臣之罪楚莊之惡皆見汪克

寬纂○不繫陳蒙上入陳屬下于陳文也高澍然○杜預云二

子能託楚以報讐功足補過善楚復之謬矣此從君於昏致君

見弑者也且其奔楚必誘楚子以利縣陳之謀二子實啟之使

微申叔時之言陳不國矣似此陷君賣國之徒尚謂其功足補

過甚矣其獎亂崇奸也顧棟高杜○楚入陳志在納二臣也書

入陳納二臣於殺微舒之後著其伐既服之國納亂國之臣之

私也張自超宗○二臣皆從君於昏者不當納而納據事直書

而楚莊之不得為伯討不貶自見葉西○愚按甯行父不繫陳

賈逵云絕於陳也高氏閔汪氏克寬本之論雖正而當以高氏

澍然說為允

以上納大夫

○納不書鄭突劉氏說辨衛朔公羊劉孫說辨晉惠晉文公

羊說辨齊孝左傳事辨劉說辨朱魚石不與納辨

桓十六年夏公會宋公衛侯陳侯蔡侯伐鄭

按劉氏曰納突也何以不書納鄭伯于鄭不與納也納突非正也然則書納者皆正乎皆與之乎當以蘇陳說爲允見下

莊五年冬公會齊人宋人陳人蔡人伐衛

將書朔之入故不言納也言納則罪在納者而入者幸矣言入則罪在入者而納者亦未免也成十八年宋魚石言復入而不言納亦猶是也

蘇轍集解

○不言納以朔入爲重也入不言納是故

伐鄭納突伐衛納朔書入而已

陳傳良後傳

○書會伐責諸侯之不

臣書入見朔之篡各當其罪書其重也

趙訪屬辭

○不言納省文也

下書朔入衛其爲納朔可知矣

郝懿行說略

○公羊以不言納朔爲

避王非也據諸侯之心實不避王而經文反爲之隱避是黨罪

人也

陸清辨疑引趙匡

愚按穀梁云不言納朔不逆天王之命也意亦同公羊

○公羊曰此伐衛

納朔也曷為不言納衛侯朔辟王也案春秋比事見義先書伐衛繼書王人救衛繼書朔入衛又書公至自伐衛在朔入之後則其為納朔而拒王命也明矣何必於此先言納哉程端學三傳辨疑  
○愚按劉氏義同上條孫莘老謂書納者皆不當納至於拒天王之大惡罪之尤切故反沒去之其說尤舛苟罪之必著之苟深罪之必特筆大書之豈有反沒之者乎

僖十年傳

齊惠公帥師會秦師納晉惠公周公忌父王子黨會齊隱朋立晉侯

公羊云曷為不言惠公之入晉之不言出入者為文公諱也何休注惠公文公出奔不于當絕還入為篡文公功足以掩惡故惠公入懷公出文公入皆不書悉為文公諱故也按此乃不知有不告則不書之義故穿鑿陸清辨疑引啖助

僖十八年春宋公曹伯衛人邾人伐齊

宋襄乘齊亂圖伯也傳者謂納孝公若然則伐齊之下當書納

公子昭如莊九年公伐齊納糾之例或於伐齊之下書齊昭入于齊如莊六年四國伐衛衛朔入于衛之例經文不見納昭事蹟

朱睦㮮辨疑

○左云齊桓屬昭於宋襄故納之夫桓自立其子何

藉於宋蓋宋襄前已伐曹以爭伯今因昭奔宋因誣稱受屬而伐納之昭立則齊從宋天下孰敢不從宋是撓齊而巧於求伯也春秋推見至隱不書納而書伐以爲宋志非納也直伐喪以亂齊而已矣

御纂

○不書納昭不書昭入事跡不明則曲直

亦不著據左氏則昭奔宋而宋納之若宋納昭而齊人與戰則是初不受昭師敗而後昭入矣何以昭不怒齊人而仇四公子邪又易牙寺貂旣立無虧五公子並起而爭何以四公子不奔而昭獨奔邪且齊旣不受昭何以急殺無虧邪使內殺無虧而外拒昭必有衆議援立之公子內議未定何所主而抗宋師邪

當是齊桓卒無虧既立五公子之徒共殺無虧宋襄意在立昭

齊人亦定議立昭而獨不悅宋之脅我以師故激而與戰戰敗

昭立而宋師退四公子無忌於昭之立故昭立亦不害於四公

子而左氏孝公奔宋之說不足憑也

張自超宗朱辨義

○張說又見主

兵首書門○下書師救齊魯將與宋抗也而宋師勝殺無虧立

公子昭而還魯以爲恥故宋之納昭無虧之殺皆不著於冊書

舊史所無孔子不能益耳

方苞直解

○愚按諸說傳文誠有可疑直

解獨推見宋襄當日情事聖人筆削權衡論特超卓方氏謂舊

史本不著納昭事亦通張氏疑昭未奔宋所辨亦有理舊說皆

本劉原父謂不與其納不正不書非也義已見前

僖二十四年傳

秦伯納重耳

左春王正月秦伯納之不書不告入也二月丙午入於曲沃丁

未朝於武宮戊申使殺懷公於高粱不書亦不告也

昭元年秋莒去疾自齊入于莒

葉氏酉說見下成十八年

昭六年冬齊侯伐北燕

左傳見書伐門○晉人納捷菑于邾則書弗克納此不書齊侯納者諸侯失國諸侯納之正也非奉少奪長之比也但齊景終以賂止本無定燕之心惟恃強陵弱耳故止書伐

注克寬纂疏家鉉翁詳說

以上納諸侯不書

成十八年夏楚子鄭伯伐宋宋魚石復入于彭城

不言納楚鄭以兵脅宋而魚石自入焉爾若以爲不與納然則

言納者是與之乎

呂本中集解

○公孫甯儀行父言納而魚石不言

納蓋楚莊誅陳之罪人疑若無罪故書納以正其罪魚石之入



先言楚鄭之伐已著其納亂臣矣故書復入而已

蘇轍集解

○書伐

宋不書納者楚既得鄭而伐宋志在盡征諸侯魚石則欲據邑

叛君害其宗國一書伐一書入各書其重也

趙汴屬辭

○魚石樂盈

不曰納者石援大國之兵伐取其地盈率故邑之甲盡入其都

是皆欲亂其國者也若但書楚齊之納則其罪不彰故以復入

書也

張大亨通訓

○不書納或曰不予納也然則孔甯儀行父書納

將予納乎甯行父不繫陳或曰絕之於陳也然則魚石繫宋將

不絕之於宋乎蓋春秋指事原情文成義立非可執例求也甯

行父志在復位楚子志在制陳得納而其志皆遂矣故書納魚

石未嘗不志復位而楚子志在亂宋豈納魚石遂已哉故不書

納而書伐伐而魚石入彭城則可據險而扼宋矣借宋之魚石

以扼宋故繫宋也不書叛者楚驅之以亂宋耳義不繫於魚石

也直解○傳稱楚納而經書魚石復入者蓋納是憑藉歸國

猶是順辭不書入不見其乘勢逞強直據之也俞汝言平義引經翼○陳

孔甯儀行父書納借楚之力以復國而安其身無他志也宋魚

石不書納將入而為亂意不止於求復楚人之意亦不止於納

魚石也所以不言納也方苞直解○書納則譏在納者而賊臣之罪

猶有所歸矣故沒之也高澍然釋經○若書楚納則似專以不當納

為楚罪而誅絕魚石之義不見矣桓十一年宋人執鄭祭仲以

納突莊五年公會四國伐衛以納朔二十四年戎侵曹以納赤

皆不書納其義正與此同至昭元年莒去疾自齊入於莒則莒

公子召之齊特遣兵送之耳若以納書尤非其事之實矣葉西

○愚按諸說合參義備劉氏不與納不書之說張氏自超亦辨

之

襄二十三年夏陳侯之弟黃自楚歸于陳

傳云楚納之

又

晉欒盈復入于晉

蘇氏說見不書自某入門張氏說見上

以上納大夫不書

○書入

左杜預辨 李氏襄貶說辨 許叔毅梁胡傳說辨 鄭  
突不書入鄭舊說辨 衛朔公穀說辨 齊小白公羊說  
辨 糾小白長幼諸說辨 衛獻公羊說辨 紀季穀梁說  
辨 襄季辨 鄭良霄胡傳說辨

左氏歸入例最爲抵牾杜氏委曲牽台尙不能一日凡去其國國逆而立之曰入則許叔入許齊小白入齊國人皆未嘗逆之也衛晉之入左氏自以爲衛人逆公子晉于邢然不書入也逆者不書入不逆者書入則何以爲例乎杜氏注惟莒去疾入於莒曰國逆而立之齊陽生入於齊曰爲陳乞所立故書入與左氏合者二而已矣至於許

叔入許則曰本不去國雖稱人非國逆例於鄭突入櫟則曰未得國直書入無義例於衛朔入衛則曰朔諸侯所納以國逆爲文朔以國逆告於小白入齊則曰二公子各有黨小白稱入從國逆之文衛侯入夷儀則曰自外入非國逆之例夫辭一而或曰非國逆例或曰從國逆例或曰無義例或曰以國逆告則又何以爲例乎

葉夢得春秋攷

有當入而言入者難辭也有不當入而言入者逆辭也許叔小白當入者也鄭突衛朔不當入者也齊陽生入于齊與小白書法雖同然下書陳乞弑荼則陽生爲篡矣讀經當合上下文觀之

正克寬纂疏莊九年

大夫書入事與諸侯同而義異入者難辭諸侯而強入難之者非臣民則當國者故其事猶有是非焉若大夫而強入則惡矣

方苞通論

愚按李氏廉謂諸侯入國例許叔宜復國而得其道故書入書字齊小白陽生莒去疾可以有國而無君父之命故書入不書公子鄭突

衛朔亂倫失正則逆也故書爵書名書入獨衛獻入夷儀俟其改過故書爵書入而不名此拘於名字褒貶爲說者辨詳另門不可從也  
桓十五年夏許叔入於許

其稱入何難也何難焉爾鄭幾滅之迨其亂而後能入也劉敞傳

○特書許叔入于許見許中興於叔也按例國逆曰歸否曰入

叔書入者亦見許無人焉而叔自入也程公說分紀許世本引黎錞○隱十

一年鄭入許使許大夫奉莊公之弟叔居許東偏至是鄭國多

故許叔乘之復有其宗社非若逃亡公子自外而得入者比也

或者乃謂許叔不告天王方伯伸大義以復其國乃乘鄭亂而

得之以是爲春秋所貶其不然歟是時天王之令不行方伯連

帥皆黨凶怙亂之人許叔將以誰告家鉉翁詳說○穀梁曰其曰入

何也其歸之道非所以歸也然則蔡侯廬陳侯吳書歸豈歸以

其道者乎此亦拘於以入爲內弗受之說爾

葉夢得穀梁傳調

○穀梁

傳注進無王命退非父授故不曰歸同之惡入按許已失國矣

至此鄭莊死忽突爭立鄭國大亂許叔始得鳩集餘民復其先

業事機間不容髮豈得責以上請王命從容歸國乎中興之君

積墜緒於既絕責以父授尤理之必無者也下文突入于櫟傳

疏復引許叔與齊小白一例聖經之意斷斷不然

齊召南穀梁注疏考證

○許本無罪齊鄭以強逐之今乘鄭亂復入於許曰入於許者

無貶無褒之辭胡傳非也

楊于庭質疑

○曰入者叔原在許入之已

耳此入字與昭二十二年王猛入於王城同非舊君又非外至

故不書復歸而曰入胡氏非矣

毛奇齡傳

○入者難也鄭人守之外

無援內無應而許叔能復其土地人民可不謂難乎

何焯讀書記

入難詞也是時許爲鄭據也何以知之凡諸侯反國爲本國迎

立宜書自某歸其反國之辭書入者亦宜傳今皆不類又許自三國入後至是始見而許通於鄭亦爲鄭據也胡氏以爲不俟王命夫許亡於鄭而非見黜於周者可入則入奚待於命高謝然釋

經

○許失國十五年叔始入與蔡侯廬陳侯吳同而書法異者

叔旣入而後君許故入從其本稱鄭未復之而強入焉難可知

矣廬吳楚實復之易可知矣故書歸

方苞直解

○張氏自超說見諸

侯兄弟書字駁辨門焦氏說見書歸門蔡季歸于蔡○愚按書入之義黎氏毛氏方氏張氏爲正以爲難詞者亦通穀梁胡傳之非衆辨已詳鄭氏王又兼逆辭難辭爲說謂莊公若存則叔爲惡而逆若卒則叔爲善而難尤支離無據也

桓十五年秋鄭伯突入于櫟

何以不言入鄭未得鄭也何以不言歸難也因欲殺祭仲而奔

仲之援絕矣其歸之道爲難也

葉夢得傳

○趙氏謂衛衍自夷儀入

衛書之明衍之當有衛也突自櫟入鄭不書明突之不當有鄭也於義甚正然未斷當日之情事也衛衍之奔也衛人立剽衍未入夷儀十餘年開列於會盟者剽也而衍無間焉當時已忘乎衍之爲君矣剽弑而不書衍之入衛則後之交政於諸侯者何以著其爲衍也鄭突之奔也鄭人立忽突旣入櫟十餘年間忽與子亹子儀不見於經而突如故也當時蓋莫不以突爲君矣子儀旣弑卽不書突之入鄭而後之交政於諸侯者可以知其爲突也蓋不書入鄭則兩鄆之會不疑於非突一書入鄭則垂之遇疑於子儀矣

張自昭朱辨義

○公之入鄭不書其奔不書其入

突入櫟後諸侯皆以突爲鄭君故入鄭不告而史無其文

方苞直解

○衍之入夷儀與突之入櫟同甯喜之弑剽而衍復歸與傳瑕



殺鄭子而突復歸同衛之殺甯喜與突之殺傅瑕同然甯喜之事備書首末而傅瑕之事不見經以爲不告魯鄭鄰國不應如是忽略陳氏曰鄭伯雖在櫟嘗與諸侯會於垂則君國矣是故殺忽不書殺子齊子儀不書以三子之不書知突之已定也以剽之書弑知衍之猶未定也突止書入不書復歸衍書入又書復歸見剽弑而後得國也李廉會通○公羊曰不言忽之出奔忽之爲君微也愚按事詳左氏忽是時並無出奔之事公羊誤也

莊六年夏衛侯朔入于衛

左初衛宣公烝於夷姜生急子屬諸右公子爲之娶於齊而美

公取之生壽及朔屬壽於左公子

二公子宣公之兄弟

宣姜與公子朔構

急子公使諸齊使盜殺之壽子載其旌以先盜殺之急子至曰

我之求也此何罪請殺我乎又殺之二公子故怨惠公

桓十六年十

一月左公子洩右公子職立公子黔牟羣公惠公奔齊按桓十

侯晉卒至是時朔立己五年莊公五年冬伐衛納惠公也六年春王人救衛

夏衛侯入放公子黔牟於周殺左公子洩右公子職乃即位○

穀梁入者內弗受也爲以王命絕之也○人有二義一難詞一

逆詞朔藉諸侯之力連五國之師距王官之微者以復歸於衛

其勢無難而書入者逆王命也胡○衛朔得入國天子之威命

盡矣公與諸侯之罪不容誅矣故書伐書救書入以著其惡孫

尊王○諸侯反國未有不復者鄭突入櫟衛侯入夷儀不言

復未得國也蔡侯廬陳侯吳不言復非奔君也朔奔君而變文

書入示義不得入也方苞直解○書入著朔之抗王也如以復歸爲

文則同於衛衎之自復而諸侯與朔之罪皆不著矣張自超宗朱辨義

○愚按公穀以名朔爲貶胡傳因之謂朔書名書入以著其惡

王人書字書救以著其善駁辨見另門○劉駁杜注見後不書復歸

莊九年夏公伐齊納糾齊小白入于齊

左襄公立無常鮑叔牙曰亂將作矣奉公子小白出奔莒亂作管仲召忽奉公子糾來奔九年春雍廩殺無知公伐齊納子糾桓公自莒先入○公羊云納者入辭也非也納者得入不得入未可知劉敞權衡○穀梁曰以惡曰入小白之惡在殺子糾不在於入入者但志其難耳穀梁非也孫覺經解○入者難詞有魯兵奉糾

故小白亦藉莒兵而後入非如歸之易也吳徵纂言○入難詞公羊

以為篡辭非

何悼讀書記

○書入難之也齊有魯師而諸大夫不盡

黨小白也

高澍然釋經

○書入不過由外入內之義納則有諸侯之

師為之納之一書納一書入皆史書常法不立義例

毛奇齡傳○中

記雍林人殺無知高國先召小白于莒魯亦發兵送子糾而使  
管仲別將兵遮莒道射中小白帶鉤小白佯死管仲使人馳報  
魯魯送糾者行益遲六日至齊則小白已入高侯立之小白佯  
死以誤管仲載溫車中馳行有高國內應得先人按左氏載桓  
公入齊事太略應據此補之張尙爰左傳折諸○牛氏說見書納

附糾小白長幼考

程子曰桓兄糾弟皆襄公子襄公死桓當立書齊小白言當有  
齊國也於子糾不言齊以不當有齊也○朱子曰程子以薄昭

之言證桓公之爲兄薄昭與淮南王書謂齊桓殺弟未可以此證其必然葉纂案章

昭注漢書薄昭此書曰子糾兄也言弟者諱也趙氏汭曰時漢文於淮南爲兄故避兄而言弟是薄昭所云乃一時遷就之語程子及胡傳據公穀經文稱糾不繫子遂直以糾爲弟朱子論語或問引用程子說而及其答潘友恭書又以薄昭所云爲未必然蓋但以公穀春秋所書之文爲據而參以夫子答子路子兩存之

貢之言斷之可也蓋聖人之於人不以罪掩其功亦不以功掩其罪於管仲但稱其功不言其罪則可見不死之無害於義而小白與糾之長少亦明矣蓋仲之所以不死者正以小白兄而子糾弟耳○汪克寬曰昭十三年左傳叔向謂齊桓爲衛姬之子有寵於僖杜預本之謂小白僖公庶子子糾小白庶兄公羊謂小白稱入爲篡詞穀梁謂書人以惡之史記亦序糾於小白之上皆以糾爲兄小白爲弟然以經考之忽繫鄭而突不繫鄭羈繫曹而赤不繫曹則嫡庶之辨也捷菑不繫邾而書弗克納則長幼之辨也今小白繫齊則鄭忽曹羈之例也糾不稱子而稱納則捷菑之例也是小白當立而糾不當立明矣以經別傳公穀杜氏不可信也况夫子盛稱管仲之功而不責其事譬不別其長幼是非豈不灼然可見哉○杜預以桓公子糾爲皆僖

公之子既非讐人之子春秋何故深罪莊公三傳並以糾爲兄  
當立則桓乃篡賊夫子何以許管仲之不死程子以桓與糾爲  
皆襄公子以糾爲弟蓋以大義斷之不第據薄昭與淮南王書  
也顧棟高三傳異同表○杜氏以糾爲兄程子以糾爲弟史記謂桓與糾

皆僖公子程子則云皆襄公子程子所據薄昭之書杜氏所據  
荀卿之語以經傳攷之二說皆未得其實胡傳於納糾從公穀  
不稱子於殺糾從左氏稱子雜用三傳意爲去取夫聖經必無  
一人頃刻變易之文必如左氏而後經有定論稱子者從乎襄  
公而言猶子躬爲莊公子在喪之孤也據傳韓宣子謂齊桓衛  
姬之子有寵於僖則桓爲襄公之弟明甚若糾乃襄公之子故  
在喪稱子小白乃襄弟故但以名書是糾非小白之兄抑非其  
弟乃其從子也分當立而桓奪之耳至夫子稱管仲之仁則自

論霸功初不以糾之不當立予其徒義也第徒義而已而遂曰

微仲被髮左衽乎王夫之稗疏○愚按此說獨創而甚確與下葉氏張氏同○按史記以小

白爲弟程子證小白爲兄以經文及左氏傳考之皆非也二人

本非兄弟小白乃僖公子子糾乃襄公子觀左氏傳稱襄公立

無常鮑叔牙奉小白出奔蓋恐不爲其兄所容故出奔以避其

禍也及亂作而後管召奉公子糾奔魯使糾與小白皆僖公子

小白畏禍糾獨不畏禍及乎此一證也又殺兄弟宜目君如天

王殺其弟佞夫是也糾若與小白爲兄弟則後取子糾殺之不

當書齊人此又一證也公穀納糾不稱子左氏則稱子至殺子

糾三傳皆有子字春秋時君之子稱子其非兄弟尤彰彰明矣

此本梁氏錫璵說葉西葉遺○管子載召忽之言曰百歲之後有犯

吾君命而廢吾所立奪吾糾也吾不生也觀此則糾之立有先

君之命矣尹文子曰子糾宜立者也小白先入故立之耳

張氏左

傳折諸○愚按據此糾有先君之命則糾爲義公子可知正與葉西王夫之說相合

○愚按程朱汪李顧

諸說齊桓入國既順則書入是難辭非逆辭也而攷證糾非兄弟乃叔姪則王氏夫之葉氏西之說極爲精確可以一洗舊說如披雲覩日矣○又按趙汭屬辭本史記子糾之母魯女小白之母衛女謂魯女班在衛女上糾貴應立其說揆之立君以長不以貴之義更不合

附

### 管仲不死相桓論

管仲之事論者疑焉不死其主而相其讐宜若得罪於名教今反見稱於孔子何邪向若桓殺糾於未入齊之前是兩公子爭國相殺讐桓公可也當乾時之戰桓之位已定是桓公者齊之君也糾者齊之亡公子也桓滅親親之恩固可深責然以君殺



亡公子非兩下相殺也君殺其臣雖非其罪爲臣之黨者敢以爲讐乎此管仲所以事桓孔子所以許仲也知仲之不當讐桓公則知仲未嘗事讐也

呂祖謙左氏博議

○管仲不死糾難而相桓論

者以其忘君事讐故子路子貢疑其未仁乃夫子盛稱其功而不言其罪蓋糾非仲之君而桓非仲之讐不當死而不死故無罪耳非謂功大可撝過也程子因薄昭書有齊桓殺弟一證遂以證糾幼桓長謂輔糾爲非義糾死爲實當故聖人不責仲死而稱其功愚謂仲之應死不死亦不繫乎糾之長幼而繫乎糾之君不君如糾幼而既立若晉奚齊卓子則固君之而固臣之矣不死爲不忠糾長而未得立不過一長公子死之爲傷勇今糾未爲君仲與忽豈得爲之臣桓亦先公之子苟主宗社誰曰非君仲與忽固齊臣也豈得讐之明乎糾之非君桓之非讐則

仲忽之不當死灼然矣安取乎長幼之辨邪若糾既爲君則臣分已定仲雖建有大功豈得以事讐之勳掩其忘君之罪而忽之死宜與荀息並美豈以匹夫匹婦之諒小之哉故斷仲忽之處糾當辨君臣不當辨長幼也

徐庭垣管窺

○愚按兩說爲論語此

章確論亦可以息紛紛糾桓長幼之辨矣

襄二十五年秋衛侯入于夷儀

不言入衛未得衛也剽在則其歸爲難入難詞也

葉夢得傳

○公羊

曰曷爲不言入于衛諼君以弑也非也衍雖失位非剽臣也剽

雖得國非衍君也春秋豈謂衍爲諼君乎哉入于夷儀者猶突

入于櫟公在鄆爾

劉敞權衡

○剽之君衛久矣一旦晉復以夷儀處

衍是使衛有二君也有一國兩君而不亂者乎吾甚怪晉既定

剽於始曷不更慮其終旣恤衍於終曷不早定於始也

萬斯大隨筆

昭元年秋莒去疾自齊入于莒莒展與出奔吳

左莒展與立奪羣公子秩公子召去疾於齊齊公子鉏納去疾

○去疾之有國宜也然知有國而不知討賊不得爲有父齊之

立去疾禮也然知立君而不知討賊不得爲知義

姜炳璋讀左補義

哀六年秋齊陽生入于齊齊陳乞弑其君荼

左傳見弑君門○此與小白書入同然小白之入齊無君也陽

生之入齊有君矣荼弑在陽生既入之後然其謀實定於陽生

未入之前不得與小白比也

家鉉翁詳說

○以弑荼故書陽生入以

殺子糾故書小白入陽生小白不能無罪晉夷吾入於殺矣齊

秋卓之後則夷吾之入不書矣陽生之入陳乞入之故弑荼罪

陳乞小白之入齊人入之故殺子糾罪齊人春秋治楚比弑虔

之罪則以自歸爲文矣

張自超宗朱辨義

○楚比與陽生皆國人召之

而或書歸或書入何也楚虔亟暴國人從亂如歸而召比則易可知陽生竊入而匿於陳乞之家則難可知

方苞直解

以上諸侯書入

莊三十年秋紀季以鄆入于齊

穀梁鄆紀之邑也入于齊者以鄆事齊也○其言入何難也外地以去國降志以事讎非季之心也以宗國爲寄矣不書叛受命於紀侯也若季不能守國專析其地實私享其利者是春秋所惡也趙鞅之叛以無君命故也

劉敞傳

○強大吞併小國不能

校異詞下敵以存宗祀書入閔之也

張洽集注

○邾庶其以漆間邱

來奔春秋書以叛使紀季不告於紀侯雖以存祀與庶其何異夫惟紀季入齊而後紀侯可以去國則紀季不失爲仁紀侯不失爲義是以紀季特書入紀侯特書去皆不以爲奔焉

葉夢得傳○

春秋之法人臣竊地以逃者書奔季不書奔則非奔也人臣竊地以自恣者書叛季不書叛則非叛也不書奔不書叛直云以鄫入齊是求存其宗祀而已

呂大圭或問

○紀季當紀之危能與其

君效死勿去以守社稷者正也至于力不能守奉兄之命以鄫入齊求存宗祀亦情之甚不得已者然視賣國忘君棄親事讐者有間矣不曰奔叛所以恕季而罪齊然非褒季也

鄭王開疑

○以

鄭之祊而歸於魯以紀之邑而入於齊非歸而言歸非入而言入蓋鄭以賂而進言歸罪之也紀以急而投言入者見其迫不獲已耳

家鉉翁詳說

○穀梁曰入者內弗受也非也此自往入之入

非歸入之入若可受者遂云歸於齊乎

劉敞權衡

襄二十六年春衛孫林父入于戚以叛

左傳見以邑叛門○林父逐君立君本爲首惡今衍入已出又

據君之邑以市於大國故書入于戚以叛以罪之

王雒輯傳

襄三十年秋鄭良霄出奔許自許入于鄭鄭人殺良霄

左鄭伯有使公孫皙如楚辭曰楚鄭方惡而使余往是殺余也  
強使之子皙怒將伐之伯有者酒爲窟室而夜飲酒擊鐘焉朝  
至未已朝者皆自朝布路而罷旣而朝則又使子皙如楚歸而  
飲酒子皙以駟氏之甲伐而焚之伯有奔雍梁醒而後知之遂  
奔許鄭伯及其大夫盟於太室盟國人于師之梁之外伯有聞  
鄭人之盟已也怒聞子皮之甲不與攻已也喜曰子皮與我矣  
自墓門之潰入因馬師頡介於襄庫以伐舊北門駟帶率國人  
以伐之伯有死於羊肆書曰鄭人殺良霄不稱大夫言自外入  
也。大夫奔而復復而作亂如魚石欒盈良霄春秋書之非特  
責亂者其君與執政有以召亂耳魚石之禍罪在華元欒盈之

禍罪在范句良霄之事雖非執政激之而不善處事亦有責焉

良霄固有罪公孫黑以私怒攻之亦罪也

家鉉翁詳說

○良霄出奔

鄭人盟之其位之絕可知胡傳主劉敞謂不言復入其位未絕

者誤

彙纂案

○不再言良霄與宋華元異者許鄭接壤方奔而卽

入也不言復入與宋魚石晉欒盈異者亦方奔而卽入也

方苞直解

昭二十一年夏宋華亥向甯華定自陳入于宋南里以叛

左傳注見以邑叛門○穀梁自陳陳有奉焉爾入者內弗受也

定十一年春宋公之弟辰及仲佗石彊公子地自陳入于蕭以叛

秋宋樂大心自曹入于蕭

左傳胡傳見以邑叛門

定十三年晉趙鞅入于晉陽以叛晉荀寅士吉射入于朝歌以叛

左傳見以邑叛門○入者不順之辭叛者不赦之罪

胡傳○詳以邑叛門

以上大夫書入

○入不書 晉惠公羊說辨 晉文諸家說辨

桓二年宋督弑其君與夷 莊公入不書

督弑殤公召公子馮於外而立之春秋不書鄭納馮不書馮入于宋者以謀出於督既非鄭納又非馮自入也若書納書入則疑於已討督而殺之矣 張自超宗朱辨義

僖十年春晉里克弑其君卓夏晉殺其大夫里克 惠公入不書

張說見前陽生入齊○公羊曰不言惠公之入爲文公諱也非也春秋諸侯出入不見於經者多矣不可皆以爲義蓋在告不告而已必言爲文公諱則鄭突再入與子驪子儀之入執諱而不書乎此傳拘於爲賢者諱之弊也 葉夢得公羊傳識

僖二十四年晉侯夷吾卒 文公入不書



文之入不書公羊云爲文公諱桓文均有功於天下桓之入不諱文之入何爲而諱家鉉翁詳說○愚按家氏云桓之書入爲其殺

子糾貶之文之入位乃其所宜有故不書則非也高抑崇又謂既殺世子自以次當立故不書入亦未是蓋不告不書耳

昭十四年冬莒殺其公子意恢庚與入不書

莒子卒國人殺公子意恢出郊公而立莒子之弟庚與書殺意恢而郊公之出庚與之入皆不書也公子爭國非有辨於疑似之際不書也郊公見出庚與以公弟立無嫌於亂適春秋奚議焉趙訪集傳○莒魯雖怨而去疾之卒意恢之殺尙來告及魯不會

葬莒人衛之故郊公之出庚與之入不告

御纂直解○諱按直解說是

○書歸

歸爲善辭辨鄭突公羊說辨蔡季襄辭辨衛鄭公羊說辨曹負芻穀梁說辨歸邾益公羊胡傳說辨

季子杜氏說辨

宋華元左氏胡傳說辨

楚比公穀說辨

晉趙鞅公穀說辨

春秋書歸有二義一易辭也一順辭也

胡傳桓十一年

經以簋而書歸者二桓十一年突莊二十四年亦執而歸者二僖三十年衛侯鄭成十六年曹伯也大國得封而書歸者二昭十三年蔡侯廬陳侯吳也書歸例惟穀梁得之

李廉會通同上  
○穀梁說見下

左氏云諸侯納之曰歸此亦但見自外有奉者皆書歸故云爾不知春秋書歸納不同諸侯納自書納不書歸也

葉夢得春秋攷

執君歸不書必伯主釋有罪而後書僖十九年滕子成九年鄭伯襄十六年莒子邾子哀四年小邾子皆不書其歸蓋君罪不當廢宜無不得歸者鄭伯會楚公子成於鄧既會即朝於晉非叛晉也而晉因其來會執之莒邾伐魯晉人因其來會執之於既盟之後則亦非叛伯者故其君歸國皆不復書以其罪不當廢無不得歸之道也若宋以大執小乃恃衆暴寡之爲其歸不足志矣僖二十八年曹伯襄三

十年衛侯鄭成十六年曹伯書歸書復歸晉文與霸曹衛三君挾荆楚叛中國而衛侯廢伯主之命殺其弟之攝君受盟者抑又甚焉晉侯皆不能正以王法廢而黜之乃以巫史之言釋曹伯又取貨以歸衛侯故二君書歸以見其罪宜廢而伯主以私釋之也曹負芻篡立諸侯請討之晉厲會諸侯于戚執曹伯歸于京師不能請於天子誅之以謝諸侯書其歸見厲公以釋有罪累京師也趙汭屬辭

有宜歸而歸爲重者蔡季魯季子陳侯之弟黃是也有不宜歸而歸

爲惡者鄭突曹赤楚比趙鞅衛公孫彊孫林父是也賀仲載歸義成十四年

一說春秋之例歸爲善突歸于鄭赤歸于曹公子比歸于楚趙鞅歸

于晉未見歸之爲善也故曰春秋無達例惠士奇春秋說

桓十一年秋突歸于鄭

左九月丁亥昭公奔衛己亥厲公立○穀梁曰歸易辭也權在

祭仲也○書歸二義一順辭一易辭突以庶奪正不順也然內

則權臣許之立外則大國爲之授其歸無難故穀梁子曰易辭

也胡傳○傳創諸侯納之曰歸成十八年傳爲宋所納故曰歸孔疏○突

自外入篡其兄而曰歸者見祭仲已立之也不曰祭仲立突者

聖人原其情實自宋公逼之若書祭仲立突則罪歸祭仲而未

見祭仲之本意故蒙上文而書突歸于鄭以見宋公擅立諸侯

之罪高問集注○穀梁得之公羊誤於祭仲知權之說以書歸爲順

祭仲之辭非也仲乃春秋之亂臣如何順之李廉會通○書曰

宋人執祭仲突歸于鄭則突自宋歸可知文省而義備季本私考

桓十七年秋蔡季自陳歸于蔡

左蔡桓侯卒蔡人召蔡季於陳蔡季自陳歸于蔡杜注召季立

之也按公羊何注蔡侯封人無子季次當立封人欲立獻舞而

疾害季季避之陳封人死歸反喪思慕三年卒無怨心故賢而  
字之先儒並主何氏家則堂因斷以書法謂獻舞失國之君蔡  
季讓國之賢獻舞名而季字賢否具見書法是封人卒獻舞立  
蔡季未嘗爲君杜氏以季獻舞爲一人非也愚按此千古相承  
之誤也春秋本無書字之法詳見另門顧氏所辨季非字乃兄  
弟承國行次之稱季卽獻舞杜氏不誤而何氏誤也備見諸侯  
之弟不書弟門諸侯兄弟書字駁辨門○季蔡侯之弟卽獻舞  
也蔡桓侯無子莫知誰之立也季于是避于陳今蔡侯卒國無  
正嗣兄終弟及因陳之援而歸故書自陳歸于蔡以見其順而  
易也高閏○許叔入于許其事其情不得言歸也非貶也蔡季  
集注自陳歸于蔡其事其情固異於入也非褒也焦袁熹  
闕如編

莊二十四年冬赤歸于曹

赤曹僖公也為戎所納故曰歸杜注○戎侵曹而羈曰奔是曹懼

戎而出其君明矣羈既出赤乃入是戎出羈而納赤亦明矣詎

可謂羈大夫歟汪克寬纂疏引陳岳○按公羊以羈為大夫非歸者易辭為戎所納故

易義與突歸于鄆同但彼先書突歸而後書忽出蓋祭仲在宋

挈突以歸而後忽出此則羈避兵出而赤乃得歸也吳遷繁言

僖三十年秋衛侯鄭歸于衛

左晉侯使醫衍酖衛侯甯俞貨醫使薄其酖不死納玉於王與

晉侯皆十穀王許之秋乃釋衛侯衛侯使賂周顓治厘曰苟能

納我使爾為卿周治殺元咺及子適子儀公入○向也言復歸

今歸不言復何也奔失國之辭也執未失國之辭也陳傅良○後傳

衛侯初歸則稱復再歸何以不稱復諸侯失國而復國則稱復

故衛侯初歸稱復以出奔楚則國非其國也其見執而歸之于

京師王不廢黜則未失國也故不言復猶曰出而歸耳

胡銓春秋解

衛侯之出奔楚也其會盟書衛子是叔武嘗在位也故其歸也

書曰復歸衛侯之被執也書公子瑕無異辭是公子瑕未嘗在

位也故其歸也但書曰歸書復則是失位也書歸則是未嘗失

位也

呂大圭或問

○復歸者既失再得歸者原未有失出入之恒詞

耳衛侯出奔楚是爲失國復其位而歸故曰復歸其後雖爲晉

執然王不允晉討則其位未絕雖在京師猶是衛君故從恆詞

書歸

賀仲軾歸義

○衛侯鄭始稱復歸者霸主惡之國人出之有不

復之勢也再歸不稱復者天王與晉既釋之元咺已死則無難

之者矣

方苞直解

○衛侯歸之于京師而書歸于衛譏不在王室也

曹伯亦歸于京師而書歸自京師譏不在晉也

李廉會通

○公羊曰

其言歸何歸惡乎元咺也非也公羊例云歸者出入無惡縱春

秋歸惡元咺書衛侯亦足矣又謂之出入無惡可乎

劉敞權衡

○愚

按先書復歸後書歸陳止齊胡邦衡呂朴鄉及賀氏說得之其以爲勢易者卽未矢國之義也方氏所謂前有不復之勢者卽已失國之義也論皆相通若劉氏敝謂前之書復國固其國後之不言復國非其國矣李氏廉謂書歸不得歸也似誤

成十六年秋曹伯歸自京師

左十五年春會于戚討曹成公也

討其殺太子自立事在十三年

執而歸諸京

師諸侯將見子臧於王而立之子臧逃奔宋十六年秋曹人請

於晉晉侯謂子臧反吾歸而君子臧反曹伯歸

子臧卽公子臧時

○公

羊不言復歸於曹何易也公子喜時在內也內平其國而待之

外治諸京師而免之其言自京師何言甚易也舍是無難矣○

穀梁曰不言所歸歸之善者也非也曹伯何善乎

劉敞權衡



昭十三年秋蔡侯廬歸于蔡陳侯吳歸于陳

左楚之滅蔡也靈王遷許胡沈道房申於荆焉平王卽位既封陳蔡而皆復之禮也隱太子之子廬歸于蔡禮也悼太子之子吳歸于陳禮也。楚虔遷六小國於荆山又滅陳蔡棄疾卽位復諸遷國封蔡及陳曰歸者順詞也國其所宜歸也棄疾封之可謂有奉矣不言自楚者不與楚子之得封也。胡傳○楚靈滅之

楚平復之善歟非善也聖王不作諸侯不振二國之命制在夷

狄也孔子以陳蔡自歸爲文所以抑強夷而存中國也

孫復尊王發微

○陳蔡者先王之封國非楚可滅非楚可復也書爵書歸言二

君之嗣位其所固有國其所宜歸也

張洽集註引劉絢

○陳蔡皆見滅

於楚矣廬與吳未嘗有國也而書歸于蔡歸于陳如固有其國者然先王建國非楚虔所得滅也廬與吳未嘗有位也而書蔡

侯陳侯如固有其位者然周室班爵非楚棄疾所得封也不言

自楚義亦如此

日講  
解義

○此滅國也其言歸何國固其國故使

若有國自歸者也曷爲不言復歸凡言出奔而後言復歸二君

未嘗去陳蔡也曷爲不言歸自楚不與楚之滅而復之也其名

者繼絕始立別其爲何君也

牛運  
震傳

○書歸則異於許叔之入許

矣書歸而舉爵則異於突之歸鄭赤之歸曹矣書歸不書復則

異於衛鄭衛衍之曾爲君而出奔復國矣蔡廬陳吳以世子之

子宜嗣爲君而蔡又周天子所封國楚得而毀其城郭虜其臣

民不得而予奪其封爵絕續其世祀也故書國書爵而以自歸

爲文定六年鄭滅許以許男斯歸是許國滅祀絕矣不見有許

男復國之文至哀元年四國圍蔡書許男而許突見于經十三

年而許元公卒葬詳書無異祇若未滅者然又何以與此異邪

恐春秋亦是可詳則詳之以示義不可詳則亦略之也張自超宗朱辨

義○二君歸國是已入國來告之詞汪克寬纂疏引黃澤○歸者易辭又

順辭也郝懿行說略○許胡沈未滅之國道房申已滅之國未滅者

復其君於故國已滅者復其民於故邑也不書楚不以告故史

無文姜西序讀立補義

以上諸侯書歸

○獲國君書歸某于某

哀八年夏歸邾子益于邾

左傳見邾魯交兵門○歸國皆曰某歸于某此獨言歸某于某

何也魯之入邾其始不量力而克之其終也又畏強國而歸之

入之不為討罪歸之不為赦過故變文書之張大亨通訓○復之曰

歸某于某邾子益是也趙訪屬辭○不曰邾子益歸于邾而曰歸邾

于益于邾者蓋言邾子益歸于邾則是邾子能自歸或藉諸侯之力以歸也今日歸邾子益于邾則是魯見諸侯之伐已而自歸之也鄭王闕疑○不曰邾子益復歸于邾而以魯歸爲文者病魯之陵弱而畏強也葉酉究遺○愚按內書歸邾子外不書秦歸晉侯恐是詳內略外之辭耳說公羊者謂善魯能悔過未是且外執君固未嘗無書歸者矣而但書某君歸于某此則曰歸某于某惟張氏大亨鄭氏玉葉氏酉說得之公羊說張氏自超辨之胡傳說袁氏仁辨之見邾魯交兵門

閔元年秋季子來歸

左公及齊侯盟于落姑請復季友也齊侯許之使召諸陳公次于郎以待之季子來歸嘉之也○公穀其言來歸何喜之也○季子來歸如高子來盟齊仲孫來之類當魯國內亂得一季子

歸國則國人皆有慰望之理故魯史喜而書之夫子直書史家之辭其實一書季子來歸而季氏得政權去公室之漸皆由此

起矣

朱子語類

○慶父之奔也書之其歸也不書惡其歸也季友之

奔也不書其歸也書之喜其歸也是故特書

家鉉翁詳說

○慶父弑

子般季友奔陳閔公立及齊侯盟于落姑以復之於是季子來

歸而齊仲孫即來省難既而閔公弑成季以僖公適邾而哀姜

孫共仲奔於是季子以僖公歸立之而齊高子即來盟然後知

季子之出入皆有請於伯主而齊桓克定魯難皆季子在外之

所為也故不書僖公季子之出入以別於有罪而出者而特書

其賴盟以歸以見季子深謀圖國之志

趙汴解

○其曰來歸何也

非奉使而歸不得書至自陳也

方苞直解

○季子魯人何以曰來來

者明有去也去將不來今喜之曰來也異於奉使故不曰至嫌

於以罪奔故不書奔

郝懿行說略

○來外辭也歸內辭也曰來歸志

奔而復也季之奔不書辭嫌也繫慶父之奔夫人之孫於公薨

後歸獄二人也若繫季之奔于子般之卒下不歸獄于季乎故

于來歸著之不言白陳者因沒奔而略之也

高樹然釋經

○曰季子

貴之也言來歸喜之也貴之者不名異其文以嘉之也喜之者

國內之人不言來國人思季子懼其去而不反今得其還則慰

而幸之者至矣故曰季子來歸春秋如其意以書之也出奔不

書爲賢者諱也書來歸出奔可知也

牛運震傳

○杜氏曰齊侯許納

故曰歸非也向使魯獨召季子用左氏例當云季子來入乎以

此知左氏之例未可用也

劉敞權衡

○史記慶父殺子般季友奔陳

二年慶父殺閔公季友自陳與閔公弟申如邾慶父奔莒季友

奉子申入立則季子來歸當在閔二年恐經文錯簡

張向琰左傳折諸

成十四年夏衛孫林父自晉歸于衛

左衛侯如晉晉侯強見孫林父焉定公不可衛侯既歸晉侯使  
卻隼送林父而見之衛侯欲辭定姜曰不可是先君宗卿之嗣  
也大國又以爲請不許將亡君其忍之安民而有宗卿不亦可  
乎衛侯見而復之。衛定惡林父知所惡矣晉爲盟主不去其  
惡而封殖之書曰自晉晉奉之也衛元咺以臣抗君皆晉爲之  
今林父復自晉歸衛不得君其君臣其臣矣程端學本義引王貫道○書  
歸易辭也晉請之衛侯受之故易而晉之黨孫氏見焉高樹然釋經

成十五年秋宋華元出奔晉宋華元自晉歸于宋

左秋八月葬宋共公於是華元爲右師魚石爲左師蕩澤爲司  
馬華喜爲司徒公孫師爲司城向爲人爲大司寇鱗朱爲少司  
寇向帶爲太宰魚府爲少宰蕩澤弱公室殺公子肥華元曰我

爲右師君臣之訓師所司也今公室卑而不能正吾罪大矣不能治官敢賴寵乎乃出奔晉魚石自止華元於河上請討許之乃反使華喜公孫師帥國人攻蕩氏殺子山書曰宋殺其大夫山言背其族也魚石向爲人鱗朱向帶魚府出奔楚○顧氏從趙子駁左氏說見書自某歸門方氏張氏駁胡傳見費辭門

襄二十三年陳侯之弟黃白楚歸于陳

黃公羊作光

前爲二慶所譖出奔楚楚人治其罪陳人誅二慶反故言歸何○二慶死則黃之歸易矣譏誣不釋則忠良不顯姦宄不誅則叔善不遂君子小人相爲伏見也

高閔集註

昭十三年夏楚公子比自晉歸于楚弑其君虔于乾谿

左傳見弑君門○不書復入而言歸者明非始謀也然以之首惡者罪其從亂且敢有其位也所謂原情定罪

陸淳微旨

○先言歸



者明比不與謀後言弑者正比之罪

孫復尊王發微

○比之歸也虔猶

在楚其不曰入何也觀從召之蔡人與之楚人不拒則比之歸

無難矣

蘇轍集解

○公羊曰比弑其君其言歸何歸無惡于弑立也

歸無惡于弑立者何靈王爲無道作乾谿之臺三年不成楚公

子棄疾脅比而立之按經書歸紀實事也非以書歸爲無惡也

公羊以歸爲無惡既引作臺之事以承之又引棄疾脅比之事

以辨之似謂比之弑君本無惡而春秋加之弑耳豈不害名教

哉穀梁曰自晉者有奉焉爾歸而弑不言歸言歸非弑也歸一

事也弑一事也而遂言之比不弑也弑君者曰不曰比不弑也

按經明書公子比弑其君而穀梁乃就歸字與不書曰生義謂

之不弑凡例之悖經旨一至于此

程端學三傳辨疑

定十三年冬晉趙鞅歸于晉

左荀寅士吉射奔朝歌韓魏以趙氏爲請十二月辛未趙鞅入

于絳盟于公室○案左氏則書歸者易辭也韓魏爲之請晉侯

許之復而荀范又去國則無有難之者矣三子之叛其罪一也

鞅以有援故得復寅吉射以無助故終叛叛逆人臣之大惡始

禍晉國之載書傳曰晉國有命始禍者死不能致辟於鞅又徇韓魏之請而

許之復無政刑矣其能國乎胡傳○先書晉趙鞅入于晉陽以叛

見鞅據邑拒晉也次書晉趙鞅歸于晉見君許之還也大夫出

奔書歸者君受之也入者臣自入也今鞅大惡已著但以君許

之歸故書歸責在君也胡銓解○歸易辭也樂盈魚石書入至鞅

書入則晉無人之辭也叛臣至於書歸則佚賊不足錄矣此韓

趙魏分晉之本也陳傳良後傳○公羊云言歸者以地正國也鞅取

晉陽之甲以除君側之惡此因鞅歸立義其誤甚矣臣無專士

藏兵之義若可以私邑之強而正國朝是人臣可得而脅使後世賊臣稱兵向閔以誅君側爲名此說敗之也大失春秋之旨

彙纂趙匡胡安國家鉉翁

○先儒以歸爲善辭遂謂鞅有叛逆而無叛心春

秋先正其罪以厲臣節此許其歸以廣君恩是大不然人臣據

土興兵此豈可赦況孫林父亦書歸何善之有

高閔集注

○人臣之

罪莫大於叛春秋所必誅也鞅專地以叛復入于晉書之所以

譏晉侯之失刑而三家分晉之禍實始于此公穀不察謂趙鞅

以地正國而陸氏淳孫氏復劉氏做謬妄相承不可以訓

彙纂案

○此著逆臣安然歸國見晉之無人也以歸爲善辭非矣

日講解

義○公羊謂鞅逐君側之惡人范注穀梁亦謂驅惡以安君側

皆謬也據左氏趙鞅因誅殺不辜致與范中行爲難范中行非

有罪也特不當擅伐趙氏耳非君側之惡人與君父爲難者也

春秋書秋畔冬歸著晉之無政刑耳以歸為赦辭者與經旨大

反矣

顧棟高三傳異同篇

○春秋書趙盾弑君而又書趙盾侵陳書趙鞅

叛而又書趙鞅歸皆所以責晉君之不討罪也

汪克寬纂疏

哀十年夏衛公孟彊自齊歸于衛

彊蒯瞶之黨今必從輒而棄蒯瞶也故十五年蒯瞶入國彊復

奔齊

李廉會通

以上大夫書歸

○歸不書

成十年鄭伯高氏說辨

僖十五年冬晉侯及秦伯戰于韓獲晉侯

晉侯歸不書

按晉侯歸不書當亦不告耳不告不書見下趙蘇說

成十年夏公會晉侯齊侯宋公衛侯曹伯伐鄭

鄭伯歸不書

曹伯襄衛侯鄭書歸而鄭伯不書歸蓋曹衛幸其君之釋以歸

告諸侯魯史書其歸聖人亦書之今鄭伯之執晉實不義鄭人不服奉鄭世子以抗晉晉彊納之非鄭欲其歸也故不以歸告於諸侯魯史不書歸聖人亦不得以歸書之

趙謁飛經筵

○鄭伯歸

不書罪不及失國也執君歸不書襄十六年莒子邾子十九年邾子哀四年小邾子是也必伯主釋有罪而後書曹伯襄衛侯鄭曹伯負芻是也苟罪不及失國則固宜歸者也

趙訪集傳

○按二

說不同並可通若高氏閔謂不書鄭伯歸所以咎晉恐未必然襄十六年春會吳梁晉人執莒子邾子以歸

二君歸國不書

趙說見前總論○十七年書邾子貜卒晉人尋赦之也

孫復傳王發微

○不書其歸不告也

蘇轍集解

定六年春鄭滅許 哀元年春許男從楚圍蔡

張氏說見書歸陳蔡條下

○諸侯復國變文不書歸

僖二十一年冬公會諸侯盟于洮釋宋公

諸說見書執門

○書復歸

歸復歸諸侯大夫襄貶互異辨大夫歸復歸難易辨  
歸復歸公羊說辨衛鄭胡氏說衛衛左氏說辨

復其位曰復歸

成十八年左傳列

復歸者既絕而復歸也然諸侯失國出奔歸而稱復則可大夫失位

出奔歸而稱復則不可古者諸侯世國大夫不世官

胡傳桓十五年

凡言復歸者言國乃其國昔失而今復之耳

吳徵蔡言傳二十八年

諸侯失國復歸者四鄭忽衛侯鄭曹伯襄衛侯行是也

李廉會通

歸大夫不言復必諸侯也而後言復君有歸道也大夫言復者伉也

是故元咺復歸宋魚石晉欒盈復入皆伉辭也

陳傳長後傳僖二十八年

歸而書復者有不復之勢也第書歸者無不復之勢也惟蔡侯廬陳

春秋屬辭辨例編

卷三十一

書復歸

聖

侯吳書歸則不與楚之封國也且其國既亡矣若書復歸則與未亡者無別焉爾

方苞通說

○先儒謂諸侯有復道故書復歸為正歸為貶大夫無復道故書復歸為惡歸為善非也趙鞅之叛楚公子比之弑而第書歸元咺之惡無以加於鞅比也而書復歸

又

方氏苞謂復歸為難歸為易大夫與諸侯同非也復歸為難衛元咺歸自晉無難矣何以言復宋華元歸自晉無以見為不難也何以不言復

郝懿行說略成十四年

諸侯越在他國而歸皆書復對出奔言也拘于京師而歸不書復內京師也

尚樹然釋經信三十年

愚按先儒解復歸以為位既絕故書復者是也以為書復其位未絕者非也

桓十五年夏鄭世子忽復歸于鄭

左夏厲公出奔蔡六月乙亥昭公入○穀梁反正也○胡傳見  
上○公羊謂復歸者出惡歸無惡歸者出入無惡非也忽之奔  
蓋不得已何惡乎突之篡國豈出入無惡乎劉敞傳衛○前先書突  
歸而繼書忽奔者以忽之出由突之入也此先書突奔而繼書  
忽歸者明忽之歸由突之出也忽與突之強弱見矣突之歸不  
繫國而忽稱世子嫡庶之名分辨矣汪克寬○書復歸者有不  
復之勢也突篡而國人安焉諸侯附焉忽幾有不復之勢矣直  
解○突曰歸易辭也忽曰復歸反正也國固忽之國也郝懿行  
傳二十八年夏衛侯鄭自楚復歸于衛說略

左或訴元咺於衛侯曰立叔武矣其子角從公公使殺之咺不  
廢命奉夷叔以入守六月晉人復衛侯甯武子與衛人盟於宛  
濮衛侯先期入甯子先公子猷大華仲前驅叔武將沐聞君至



喜捉髮走出前驅射而殺之公知其無罪也枕之股而哭之獻  
犬走出公使殺之元咺出奔晉○穀梁自楚楚有奉焉爾復者  
復中國也歸者歸其所也○踐土衛子受盟則叔武已爲晉所  
立衛侯已爲晉所絕矣故自楚歸稱復歸晉執衛侯歸之京師  
王不加黜而得返則於君道未絕也故返國稱歸觀春秋稱復  
歸於前稱歸於後而晉文已絕衛成衛成未絕于衛其曲直由  
此見矣李明復集義引謝是○按衛侯前書復歸後書歸當從陳氏賀氏  
說是失國未失國之辨見前書歸門謝說亦得胡傳謂稱復者繼之  
不稱復者絕之以先歸殺叔武或猶出於誤再歸殺瑕咺則怙  
惡不悛故也非也

又 冬曹伯襄復歸于曹遂會諸侯圍許

左晉侯有疾曹伯之豎侯孺貨筮史使得以曹爲解齊桓公爲

會而封異姓今君爲會而滅同姓曹叔振鐸文之昭也先君唐叔武之穆也且合諸侯而滅兄弟非禮也與衛偕命而不與偕復非信也同罪異罰非刑也舍此三者君將若之何公說復曹伯遂會諸侯圍許○按方氏望溪說是曹襄以位絕而書復也○穀梁曰天子免之按晉以曹伯弔宋人非天子之命也陸淳辨疑襄二十六年春衛侯衎復歸于衛

左甲午衛侯入○鄭厲公自櫟侵鄭傅瑕弑子儀而厲公歸皆不書此何以悉書子儀未列於諸侯之會始終君突則子儀之弑鄭不告史不書子儀之弑不見經則突之歸罪不加於奪適不足詳矣衎出而剽立列於諸侯之會數矣見弑著於經則衎之復歸不可不詳矣趙訪集傳○左氏曰書曰復歸國納之也假令非國納不書曰復歸乎此皆一字褒貶之弊公羊曰其言復歸

何惡剽也按所謂復歸者復歸于衛紀實事也何惡剽之有程端

學三傳○公羊以復歸為罪剽誤矣衍復其位故曰復歸豈罪辨疑

剽乎彙纂○方氏說見歸國書名門李氏說見書入鄭突入櫟案

以上諸侯書復歸

僖二十八年冬衛元咺自晉復歸于衛

左衛侯與元咺訟衛侯不勝執衛侯歸于京師元咺歸于衛立

公子瑕○其言復歸何大夫無復復者位已絕也已絕而復惡

也惡則其言歸何易也以文公為之主也劉敞○歸特書復著

其假伯主之力遂無君之心張洽○復歸者復其國歸其所也集注

以臣訴君君見執而臣得歸名分掃地矣此比事而見于尊者

也春秋於晉侯治衛一事再三見之書法責晉深矣然則治此

獄宜如何曰執衛侯治其殺弟之罪執元咺正其訴君之戮家範

翁詳說

○執歸京師蓋將假王命而廢黜之也故咺歸卽別立君

而無所忌憚挾伯主之威易置其君咺罪大矣

吳敵纂言

○諸侯之

國世守之故可言復大夫之位君命之不可言復言復者抗辭

也書自晉深罪晉也

御纂直解

○諸侯返國書復歸大夫第書歸

不書復此獨書復歸者咺以臣訟君立取以與其君抗使第書

歸則與凡大夫之書歸者無別矣

葉酉究遺

○大夫之歸不言復言

復有恃也欒盈魚石介齊楚之兵元咺介霸者之令故皆書復

而一曰復入一曰復歸難易之勢殊也

高澍然釋經

○趙鞅書歸元

咺書復歸異於魚石欒盈之書入何也鞅則君許之歸咺亦介

霸以求復與魚石欒盈有徒衆而稱兵以入者異耳

方苞直解

○使

元咺不復歸于衛則不知元咺之訟君使元咺非自晉歸于衛

則不知晉侯聽元咺之訟抗然歸衛又立于瑕是元咺有必殺

其君之志矣元咺之罪所以大也

張自超宗朱辨義

○晉文聽臣訴而

執君俱也元咺挾霸權以歸國仇也

邢昺行說略

○諸侯復國不書復歸

衛朔杜解辨負芻劉氏說辨

衛鄭書歸不與復辨蔡廬陳吳胡氏說辨

賈

桓十五年秋鄭伯突入于櫟

衛侯居夷儀復得衛聖人書歸于衛明衍之當有衛也鄭伯居

于櫟亦終入鄭聖人不書歸于鄭明突之不當有鄭也

趙鵬經筵

○忽正故書復歸以明其反正突不正其復歸也闕而不書

莊

四年傳取納厲公

春秋之謹嚴見矣

惠士奇春秋說

○若如衛衍例書復歸則

其以逆得國之罪無由見矣故削而不書蓋以不書發疑端而

見情實也然猶恐後人習其讀者或謂其文有闕故于入櫟書

名以見義蓋入櫟不必名惟不書入鄭故入櫟特名惟特以名

先見則入鄭不書之故乃可思而得之矣

葉西究遺

○李氏說見書

入

莊六年夏衛侯朔入于衛

凡諸侯失國而歸皆書復歸宜爲君者也朔非王命則不宜君

故雖位未絕而不書復不與其復也不曰自齊入於衛諸侯與

有力也

葉夢得傳

○春秋奔君言復者皆復其本位之辭也是故鄭

世子忽衛侯鄭衛侯衍曹伯襄皆書復其或不言復者未得國

也鄭突入櫟衛侯入夷儀不言復蓋未能復國也若衛朔出奔

歸國書入不書復明朔之不當復也或曰朔之立出於先君所

命何以不當有國曰以適言之則彼當立其次則壽朔構伋於

宣公爲之殺伋及壽衛人爲之賦二子乘舟孔子取焉是朔之

不當立也明矣

呂大圭或問

○方氏張氏說見前書入○杜云朔爲

諸侯所納不稱歸者朔懼失衆心以國逆告也非也是時公親

納朔假令衛不來告史猶自書之何待衛告哉且衛人惡朔而諸侯強納之其赴於諸侯固當從諸侯納之之例以歸爲文明此諸侯之力也何敢忘諸侯之力而以國逆誣諸侯哉劉攽權衡

僖三十年秋衛侯鄭歸于衛

按不書復當從陳止齋胡邦衡及賀氏說見前書歸門家氏以爲不與其復汪氏以爲衛鄭之罪浮於曹襄故不稱復皆非

成十六年秋曹伯歸自京師

公羊傳見書歸○按不書復是位未絕公羊說是也負芻殺其君而自立故不與其復劉氏立論雖正而於經例未合

昭十三年秋蔡侯廬歸于蔡陳侯失歸于陳

書法與衛侯鄭同穀梁疏所謂稱爵言歸同於舊有國之例也穀疏又曰不言復歸者雖同失國之辭實未嘗有國故不得言

復歸也

李廉會通

○胡氏謂不書復歸不使楚虔得滅之其說未嘗

不善但書例必先書去此者而後可言復歸如鄭忽出奔衛始

可曰鄭世子忽復歸于鄭元咺出奔晉始可曰元咺復歸于衛

廬吳未嘗去陳蔡也

毛奇齡傳

○不稱復歸者廬吳未嘗君國也

方苞

直

○昔絕今續故書爵書名書歸與諸侯奔復執復者同昔未

君國今始立故不言復歸少異也

高澍然釋經

昭十四年秋莒子去疾卒冬莒殺其公子意恢二十三年秋

莒子庚與來奔

郊公復歸不書

郊公與庚與更出更入事與鄭忽突相似而書法不同者郊公

雖見出于國人而罪狀未著庚與以公弟歸立非有庶孽亂適

之嫌故但書殺其公子以見君卒國亂而一出入皆不書及

庚與又出則郊公之歸固其所也故止書庚與來奔而郊公復



歸不書蓋無亂於名實則春秋無譏也若宋人奉嬖孽以奪適

諸侯又從而君之則鄭忽與突之出入不可無辨矣桓十二年侵十五年侵

中國而制其廢立之權則曹羈與赤之出入不可不詳矣莊二十四

年莒人弑君無主名則去疾與展與之出入不可不志矣襄三十一

年昭元年○愚按當是不告不書義見前不書入莒庚與條趙汭屬

○書復入魚石事不書楚鄭取彭城不與楚鄭辨樂盈事公羊

以惡曰復入左氏傳例成十八年

其言復入者已絕而復入惡之甚者胡傳

經書復入者止魚石樂盈復者已絕之辭入者甚逆之辭李廉會通

孫林父宋辰趙鞅荀寅皆據外邑以自保故書叛魚石樂盈將以亂

國故書復入汪克寬纂疏引胡甯通旨

不言叛者將以亂國非直叛君而已故魚石樂盈之罪重於趙鞅宋

辰蘇轍  
集解

稱兵以敵其國故曰復入絕之也與元咺復歸異文者彼仇君於外  
故歸從易辭此仇君於內故入從難辭并與以叛異者彼入而據邑  
故書叛於入後此稱兵以入故書入先言復也三者皆治亂臣各還  
其實高澍然釋經○以上俱成十八年

外大夫以邑叛者皆書曰入奔而書入者自外而入內也在國而書  
入者自國都而入其私邑也其書復入者已絕于國復入而爲亂也  
宋魚石晉欒盈鄭良霄是也魚石之事與華向辰地同而不書叛者  
挾楚鄭以伐國志問晉以毒諸侯而不止於據邑以叛也良霄書自  
許而欒盈不書自齊者告辭有詳略也魚石不言自楚何也其出也  
奔楚楚伐宋而後石入于彭城則自楚不必言矣方苞通論

成十八年夏楚子鄭伯伐宋宋魚石復入于彭城

左鄭伯會楚子伐宋同伐彭城納宋魚石向爲人鱗朱向帶魚府焉○書伐書復入見魚石之復入由楚鄭之伐也王克寬纂疏○

不曰納魚石何也曰納公孫甯儀行父于陳則納之者楚子耳非甯行父之能爲也今日宋魚石復入于彭城則納之者雖楚子而復入則魚石也呂大圭或問○春秋不書楚鄭取彭城者宋氏

謂不與楚鄭之伐宋取彭城以爲宋叛臣也然使春秋書楚鄭取彭城是猶若楚鄭取宋邑以居魚石而魚石亂宋之志不著矣書楚鄭伐宋魚石復入于彭城者既惡其事又誅其意也故比之良霄則良霄無據邑之罪比之欒盈則欒盈無道敵國伐故國之罪而魚石之罪所以不勝誅也張自超宗朱辨義○魚石實致

楚師而藉其力以自還故以自入爲文罪魚石也

牛運震傳

襄二十三年夏晉欒盈復入于晉入于曲沃

左晉將嫁女於吳齊媵之以藩載欒盈及其士納諸曲沃欒盈  
夜見胥午而告之許諾伏之而觴曲沃人盈出徧拜之四月盈  
帥曲沃之甲因魏獻子以晝入絳范宣子奉公以如固宮范鞅  
逆魏舒則成列旣乘將逆欒氏矣趨進曰欒氏帥賊以入鞅之  
父與二三子在君所矣使鞅逆吾子鞅請驂乘持帶遂超乘右  
撫劍左援帶命驅之出宣子逆諸階執其手賂之以曲沃范氏  
之徒在臺後欒氏乘公門宣子謂鞅曰矢及君屋死之鞅用劍  
以帥卒欒氏退欒盈奔曲沃晉人圍之○復入者甚逆之辭爲  
其旣絕而復入也是時權寵之臣各以利誘其下使爲之用莫  
知有君臣之分也故聞語欒孺子者則願爲之死盈遂入絳乘  
公門若非天棄欒氏晉亦殆矣其失在於錮之急也春秋備書  
之以見人而不仁疾之已甚亂也蓋不仁之人力能誅則誅之

不能誅而徒疾之使之無所容其身則必為悖逆爭鬪之事盈

非有大惡逐之去國亦已矣何至動天下諸侯一再會而禁錮

之哉盈之亂實晉有以激之耳胡傳汪克寬纂疏○曲沃昭公分國以

封沃沃盛強昭公微弱國人將叛而歸沃故詩人作揚之水椒

聊欬杜之詩以見意然則曲沃者強盛必叛之邑也今又為盈

食邑帥其甲以入晉不勝而反入焉書入于曲沃見盈有叛心

又見曲沃知有盈而不知有君也高閼集註○盈非晉臣矣猶書晉

欒盈者一以明君臣之分而討之亦以閔欒氏為晉世臣而自

絕於晉耳宋魚石義與此同家鉉翁詳說○欒盈雖為士匄所逐而

晉侯兩會諸侯以錮之是重見絕於君矣今乃強入焉則不受

君命之罪甚矣湛若水正傳其曰入于晉何盈先入于絳不克而

後返其邑也葉夢得傳○公羊曰由乎曲沃而入也非也盈雖帥曲

沃之甲入晉而敗後乃入曲沃故據其實書之如公羊之言當先書入曲沃後書入晉矣

彙纂案

○上書樂盈入曲沃而繼書齊

侯伐晉則盈之爲齊所納可知又○宋魚石復入于彭城未入

宋也鄭良霄自許入于鄭未入其私邑也惟樂盈以曲沃之甲

入絳敗于絳而奔曲沃故書復入于晉又書入于曲沃

戴祖啟五測

○據左氏盈先入曲沃自曲沃入晉爲亂不勝而再入曲沃不

先書入曲沃盈志在入晉不若他叛臣之但欲據邑故先入曲

沃之文可省也其再書入曲沃者盈據其私邑晉實于曲沃殺

盈故復入曲沃之文不可省也

張自超宗朱辨義

○變文不書復入

昭十三年夏楚公子比自晉歸于楚

陸氏說見書歸門

襄三十年秋鄭良霄自許入于鄭

惠氏說見不書叛直解說見書自某人

○書自某歸于某

穀梁曰歸爲善自某歸次之非也衛元咺衛侯鄭何善之有且自某者明其有奉焉爾不爲善不善設也

劉敞權衡成十六年

歸入言所自著其挾外援也苟言故則不言所自如突歸于鄭上言宋人執祭仲赤歸于曹上言戎侵曹宋魚石復入于彭城上言楚子鄭伯伐宋晉欒盈復入于晉下言齊侯遂伐晉皆不言所自也國逆者不言所自齊小白陽生是也

趙訪屬辭卷十五

衛侯鄭自楚歸穀梁曰自楚楚有奉也信乎曰案是時楚經城濮之戰膽喪氣沮又殺得臣是晉再勝而楚再敗也又安能奉衛侯而使之反國乎案春秋書自之例如季孫意如至自晉與蔡季自陳歸于

蔡衛侯自楚歸于衛曹伯歸自京師蓋一例耳著其昔在彼而今歸於此耳何必費辭哉然書歸之義有書其所自者有不書其所自者書其所自者著之也不書其所自者略之也衛侯自楚歸于衛著其自楚也言歸自楚則背華即夷之罪可見矣曹伯歸自京師著其自京師也言自京師則晉侯執曹伯歸于京師之義得矣呂大圭或問僖二十八年凡歸而書所自者赴告詳也不書所自者赴告略也傳曰自某某有奉非也大夫反國書自不書自與諸侯同方苞通論 郝懿行說略同

凡大夫之歸皆書自達例也以別於趙鞅由本國歸者樂盈魚石不言自楚自齊者魚石之入緣上楚伐宋樂盈之入非由本國盈本奔楚非奔

齊故不書自某便文也高澍然釋經 僖二十八年

僖二十八年夏衛侯鄭自楚復歸于衛

穀梁以爲有奉夫衛已告絕於楚楚已不得志於中國安能藉



其力陳氏傳良謂君歸不言自言自危不得歸也亦非李廉會通。

書自楚歸則卽楚之罪著呂大圭或問。○歸于衛書自楚者以

後書衛侯鄭歸于衛乃歸自京師也故此以自楚別之葉西究遺。

愚按呂葉二義並通程積齋辨疑以自楚入國駁左傳晉人復

衛侯之語殊未是晉復之固亦當書自楚也豈傳之妄哉

成十六年秋曹伯歸自京師

公羊見書歸門。○其言自京師言天王之釋有罪也負芻殺世

子而自立不能因晉之執寘諸刑典而使復國無以爲天下之

共主矣胡傳。○書執諸侯歸京師者二衛不書自京師而曹伯自

京師者釋衛主於責晉而釋曹則主於責王室也書法精矣李廉

會通。○於列國曰自某歸于京師曰歸自某尊卑異辭也石光霽書法鈞

元。○或謂是時周擁虛器生殺予奪不能自主故傳載曹人一

則請於晉再則請於晉未聞遣一介如周操縱之權盡在晉特  
假周之名而已然以書法按之非經意也晉既執而歸諸京師  
使王正賊殺其親之法而加辟焉晉何辭復爲負芻解如此則  
諸侯心懼而王綱可舉矣春秋深探其本自貴者始故以失刑  
之責歸天王而譏不在晉耳

日講  
解義

○此與僖二十八年晉文

執衛侯相似而實不同彼則復私怨也怨可釋也此討惡逆也  
逆焉可赦也彼書歸之于京師緩辭也先自治其獄也此書歸  
于京師急辭也惟王正其罪也衛侯雖在京師猶制於晉書歸  
于衛晉意也曹伯既歸京師則制於王書自京師王命也

御  
纂直

解○自京師者天子赦之之辭也春秋強侯不道執辱小國之

君皆非王命惟此由天子命故曰歸自京師異其文以別之

孫復

尊王發微  
獨異於經義亦得

按此說

○觀衛侯鄭亦歸于京師不書自則知彼

釋於晉而此釋於王也釋於晉則未入國猶失位之侯故名釋於王不待復國已成之爲君故不名

高樹然釋經

以上諸侯歸自某

桓十七年秋蔡季自陳歸于蔡

穀梁自陳陳有奉焉爾○高氏澍然謂季卽獻舞曰自陳者迎立之辭是也見諸侯之弟不書弟門

僖二十八年冬德元咺自晉復歸于衛

公羊自者何有力焉者也○穀梁自晉晉有奉焉爾歸者歸其

所也○晉文聽臣執君書曰自晉晉侯之罪明矣

高閌集注

成十四年夏衛孫林父自晉歸于衛

林父七年奔晉言自晉歸于衛者由晉侯而得歸也衛大夫由

晉侯而得歸衛國之事可知矣

孫復尊上發微

○林父脅晉以得入知

衛侯畏晉而不敢治已則肆惡於衛庸何忌哉故其後卒至於

叛叛衛者林父也致林父之叛者晉也

趙驥飛經筵

○此非特罪衛

之不早辨晉之政在大夫亦自此始

張治集注

○衛侯如晉晉侯強

見孫林父定公不可既歸晉使卻犇送林父而見之是晉人得

制衛大夫出入之權也書自晉晉有罪焉

戴溪講義

○林父七年奔

晉此年歸國襄十四年逐衛獻公立公孫剽其冬晉會于戚而

不能討十九年復奉晉命伐齊二十五年獻公入夷儀二十六

年甯喜弑剽林父入戚以叛其年晉會澶淵爲林父討衛疆戚

田取衛西鄙懿氏六十以與孫氏此晉人黨孫氏之本末也

李廉

會通

○書自晉惡晉助叛臣惡林父倚大國以要君也

應揚謙集解

成十五年秋宋華元自晉歸于宋

據經是華元力不能討子山藉晉力歸而殺之故曰自晉據左

傳則元未至晉魚石止之非所謂自晉歸也從經爲正

胡鈔春秋解

○按經文奔晉自晉歸于宋明白可據傳云魚石自止華元于

河上請討許之乃反顯與經背且魚石自請討山則是處無過

之地何用復奔楚卽爲與蕩氏同族慚而自去則是知恥之人

不應復入爲亂考之事理俱謬魚石直與蕩山同惡爾

顧棟高引趙匡

按趙說見陸渚辨疑

○按經文是華元明借晉力以討亂公羊何註所云

晉人理其罪宋人反華元誅山是也魚石蕩山蓋同惡相濟魚

石更挾楚以叛釀成大禍故五大夫出奔而獨書魚石爲首惡

如此安得有請討山之事左氏之說妄爾夫華元懼桓氏族大

欲藉晉力以討此亦如石碏借陳力以除州吁亦何所不可而

必穿鑿其說乎諸儒以傳事強合經文謂華元自討與晉無異

如此則春秋紀事不以實也劉氏敝又謂華元內有魚石之援

不待挾晉爲重而自入亦信傳之過顧棟高三傳異同篇○杜云華元欲

挾晉以自重故以外納告非也如左氏之說則魚石止華元耳

杜氏嫌傳與晤故左右遷就以成其說此可謂信傳未可謂通

經也劉故權衡○言自晉已達晉也傳云止於河上已入晉境也從李

氏光地說目書奔無不繫國者不必定抵其都也高樹然釋經

襄二十三年夏陳侯之弟黃自楚歸于陳

自楚者因楚力也季本私考○黃奔楚訴二慶也楚圍陳殺二慶黃

歸易矣自楚因楚力又以責黃之脅君也御纂直解○春秋書法

明示黃有挾楚蔑君兄殺二大夫而強歸於國之罪也若無罪

黃之義則黃之奔楚自楚而歸亦削而不書矣張自超宗朱辨義

昭十三年夏楚公子比自晉歸于楚

何以言歸自晉比亡公子爾靈王之獄棄疾爲之也陳傳良後傳

哀十年夏衛公孟彊自齊歸于衛

齊納之也

杜注

○彊初奔鄭今書自齊必自鄭適齊也書歸內受

之也

御纂直解

○彊奔于蒯瞶奔之後宜爲蒯瞶之黨今蒯瞶未

入彊何以歸哉又書自齊齊固助輒者然則彊之歸其爲齊歸

之使背蒯瞶而助輒了然矣

張自超宗朱辨義

以上公子大夫歸自某

○不書自某歸

桓十一年秋突歸于鄭

莊二十四年冬赤歸于曹

此二條趙氏說見上自某歸總論

僖二十八年冬曹伯襄復歸于曹

曹共公之歸不書自蓋言自晉則曹伯始執界於宋若言自宋

則釋之者晉而非宋之得歸故不書自而止曰復歸

汪克寬纂疏

僖三十年秋衛侯鄭歸于衛

春秋執諸侯歸京師者二曹成之歸天王釋之故書歸自京師衛成之歸晉釋之故書歸于衛書歸于衛命不係於王權亦不歸於晉若衛侯之自歸也

趙鵬飛經筵

○曹伯由天子歸之書自京

師衛侯亦天子救之而不言自京師此微旨也晉文聽元咺之訟不待王命而執衛侯及受魯賂始請於王而歸之是縱舍在晉而已天子豈得行其意哉故不言自京師亦不言自晉而以

自歸爲文

龍楚辨疑

○李氏說見前成十六年曹伯歸自京師

昭十三年秋蔡侯廬歸于蔡陳侯吳歸于陳

棄疾復之也止書歸而不言自楚若二國之自能興復焉

汪克寬纂疏

○棄疾借陳蔡之力而有楚故復陳蔡以報其功今春秋所



書若陳蔡之自復何也蓋蔡為王室之親陳為盛德之後廬者  
 蔡世子有之子吳者陳世子偃師之子宜嗣其位故直曰蔡侯  
 陳侯也直書歸而不書自楚者國其應有非楚所得制也於虔  
 之滅則書之罪之也於棄疾之復則削之抑之也所以尊周也  
 故曰春秋天子之事也御纂直解○楚有奉矣不言歸自楚者國  
 固其國也不與楚滅不與楚復也此亡公子耳稱某侯某者爵  
 固其爵也楚不得奪亦不得封也郝懿行說略○餘見書歸門

以上諸侯

閔元年秋季子來歸

不言歸自陳齊命也陸績微旨引啖氏

○按高氏澍然說是見前書歸

以上大夫

○書自某入于某

公子返國或書自或不書自其不書自者於外諸侯無所藉力如齊小白陽生是也書自者以諸侯納之傳所謂外有奉是也

葉酉究遺

昭元年

昭元年秋莒去疾自齊入于莒

去疾以齊公子鉏帥師納之故書自齊入所謂外有奉也然突歸于鄭赤歸于曹亦藉力于宋與戎而不書自者上書宋執祭仲戎侵曹文有所承不必書也突赤文有所承此獨無所承者突赤之歸宋與戎主之去疾則莒公子召之齊特使公子鉏送之其事異文不得不異也

葉酉究遺

○此書自齊而突赤之歸小白

陽生之入不書自者突赤緣上宋執戎侵文不書小白陽生因鮑陳之力與奔國無涉不書此因齊力而文無緣故書

高澍然釋經

襄二十二年秋鄭良霄出奔許自許入于鄭

許爲鄭仇奔許將以亂鄭也自許有奉也不書復入者方奔卽

入也

御纂直解

昭二十一年夏宋華亥向甯華定自陳入于宋南里以叛

奔于陳陳納之非也而且助其力故書自陳入以罪陳

姚舜牧疑問

定十一年春宋公之弟辰及仲佗石彊公子地自陳入于蕭以叛

秋宋樂大心自曹入于蕭

胡氏說見以邑叛門

○不書自某人

莊九年夏齊小白入于齊

哀六年秋齊陽生入于齊

趙說見前書自某歸總論高說見上昭元

六年夏衛侯朔入于衛

不曰自齊入于衛諸侯與有力也葉夢得傳

成十八年夏宋魚石復入于彭城

襄二十三年夏晉欒盈復入于晉

陳氏說見書復入門○趙氏訪高氏澍然說見前自某歸總論

○齊之納盈非以兵明納之也故不書自齊蘇轍集解○盈挾齊援

以入而不稱自齊潛入也日講○衛元咺稱復歸意止于歸

也宋魚石晉欒盈鄭良霄稱復入將入而為亂也良霄稱自許

者許鄭世讐必陰助為亂故鄭人赴告及之也齊則顯然伐晉

以助欒氏故晉人告伐而於盈之入轉不言其自齊方苞直解○魚

石不言自楚者伐重於有奉也牛運震傳○愚按魚石欒盈不書所

自趙東山高雨農說得之方說牛說意亦同

○歸入奔納繫國不繫國正不正衰貶辭辨當有國不當有國

辨公羊當國說辨捷菑貶辭辨

莒去疾展與衰貶辭辨 齊陽生程胡說辨

桓十一年秋突歸于鄭鄭忽出奔衛

十五年許叔入于許十七年蔡季歸于蔡皆繫國突不繫鄭者以文連祭仲祭仲之上已有鄭字蒙上鄭文故不言鄭也以朱人執仲納突乃是一事連書故突得蒙上文其鄭忽奔衛則鄭人別告故不連上文

孔疏

○突不冠鄭杜氏曰文連祭仲非有貶

也突固可貶然貶不在此歸于鄭者爲宋所納之詞傳云諸侯

納之曰歸是也

毛奇齡傳

○先儒謂聖人以忽爲正故繫國非也出

奔未有不繫國者蓋著其本國對下所奔之國爲文不問其正

不正也觀莒展與出奔亦繫國則忽之繫國不以其正可知

葉西

○愚按二說甚通則先儒所謂突不繫鄭突不當有鄭也稱

鄭忽言忽當有鄭也其說猶嫌拘泥

莊九年夏公伐齊納糾齊小白入于齊

糾不書齊蒙上也非不當有齊不書也小白繫齊者凡春秋所書必曰某國某名此固書例而亦非當有齊書齊也

唐順之稗編引程大

昌說○糾不繫齊蒙上伐齊也小白繫齊不書齊無以知爲齊之

小白也

牛運震傳

○左傳經文糾稱子公穀無子字下文書取子糾

殺之則左氏經文當不爲誤糾稱子明糾之可立也小白繫齊者小白黨盛而子糾勢孤明小白爲齊所與也上稱子糾則齊小白不得與鄭忽曹羈同例何者突赤不得書子而糾書子則忽與羈之繫國爲順詞而小白之繫國爲衆詞下文殺子糾書齊人可見小白之入糾之死皆通國所同益知書齊小白之爲衆詞也不必定爲桓兄糾弟曲爲之說

顧奎光隨筆

○小白繫齊非

謂宜有齊也凡公子去國國逆而立之曰入諸侯納之曰歸如

莒去疾齊陽生皆國逆而立故書入繫國突歸于鄭赤歸于曹  
皆諸侯納之故書歸不繫國今子糾以諸侯納又未得立故不  
稱國小白以國逆而立書入繫國例也豈謂宜立乎諸家又謂  
忽繫鄭而突不繫鄭羈繫曹而赤不繫曹乃嫡庶之辨捷菑不  
繫邾而書弗克納乃長幼之辨不知忽與羈之繫國以其出奔  
耳非歸國也春秋公子大夫出奔無有不稱國者何獨於鄭忽  
曹羈之奔謂因嫡起例邪突與赤之不繫國以外納而歸也不  
因非嫡而不繫也捷菑之不繫國亦外納之例其長幼之辨則  
於弗克納見之非以不繫國分長幼也謂公子入國繫國皆宜  
有國者不知小白以高國召去疾以羣公子召陽生以陳乞召  
故皆從國逆之文豈以其當立乎

徐庭垣  
管窺

○愚按程氏牛氏說

最正徐說義本左氏亦當顧說以繫國爲衆詞不泥桓兄糾弟

之舊說亦有所見並存之。○又按方氏直解曰程子曰書齊小白言當有齊國也糾不繫齊不當有齊也闕之者曰糾不書齊蒙上伐齊之文小白書齊又一事其然則後二十四年當書戎侵曹羈出奔陳曹赤歸于曹而立文相反則知程子之說不可易愚按程子之說固是一義而糾與赤之蒙上文奔君之必繫國亦皆是史例春秋無達例似不可以一例拘也。○公羊傳云以國氏者當國也非也凡言當國之說皆無通例不可條貫劉衡權

莊二十四年冬曹羈出奔陳赤歸于曹

與上文突忽義同。○按舊說謂鄭忽曹羈之繫國突赤之不繫正不正之辨也然考經文突赤是蒙上鄭曹省文爾若莒去疾展與之並繫國則史辭自別說見後汪氏謂去疾正突赤不正誤



文十四年秋晉人納捷菑于邾弗克納

正義曰捷菑不言邾者下有于邾之文猶納子糾不言齊者上有伐齊之文也頓子北燕伯舊是國君故稱其國納衛世子蒯曠于戚者以上下無衛文故稱國也

李廉會通

○按高氏閱謂捷菑

去君父奔他國又欲藉他國以奪兄位罪之不繫邾未是

昭元年秋莒去疾自齊入于莒莒展與出奔吳

莒去疾與齊小白例同獨展與亦繫國者蓋國無二君常例也衛衍與剽莒去疾與展與皆以二君書者變例也彼突方入國糾方爭國不繫國可也展與既立踰年成君矣不書莒何以見其已立乎陳佗以討賊書亦繫國則展與之繫國奚疑若州呼無知之不繫國上文已見耳

李廉會通

○先儒於去疾之入而稱莒

則云以國氏與去疾之討有罪也於展與之出而稱莒則云罪

諸侯之與立也是自相矛盾

湛若水止傳

○兩繫之與突忽羈赤異

者展與立已踰年不繫莒無以明其爲莒君也

朱朝瑛略記

○莒去

疾齊陽生篡而繫國上無所緣不繫不知爲彼國公子且非辭

也而於展與更繫莒於荼稱君名分已正不嫌於混也

高樹然釋經桓

十一 ○馮荆南曰去疾以名繫國者突與赤之入其文皆有所

承雖不繫國而知爲曹鄭之公子去疾之入也文無所承不繫

莒則不知爲何人也

方苞直解

○展與不稱爵舊史承告辭也胡傳

謂爲弑君者所立而不能討賊故不稱爵非也楚商臣蔡般身

爲大逆而稱爵鄭忽曹羈承嗣無變而稱爵則其說不可通矣

蓋衛朔鄭突君國已數年又魯軌所助其奔也必自告之故舊

史承赴而書爵也若鄭忽則與魯惡曹羈展與倉卒出奔其奔

也必突赤去疾告之豈肯稱爵稱世子哉鄭忽之立五月曹羈

之立九月展與之立八月國方內亂異國之史安知其位定與否不可以稱爵不可以稱世子又不可以稱公子故獨書名也其以名繫國程子謂罪諸侯之與其立亦非也不以名繫國遂可見諸侯之不與其立乎鄭突之立諸侯助之而名不繫國則其說不可通矣又○文定以去疾假齊之力以入莒討展與之罪爲正其以國氏子去疾之討有罪者非也突不繫鄭上文有執鄭祭仲之文亦不繫曹上文有侵曹之文雖不書鄭曹可知突爲鄭公子亦爲曹公子矣此上無所蒙突書去疾不繫莒則知去疾爲何國之人邪如殺州吁書衛人則州吁不必繫衛殺無知書齊人則無知不必繫齊至於佗爲蔡人所殺夏徵舒爲楚人所殺佗不繫陳夏徵舒不繫陳何以別其爲陳之佗陳之夏徵舒哉此皆史氏立文之體非有異義也又如展與出奔繫

莒與忽繫鄭羈繫曹司文是明三人之不絕於國也而又豈以

去疾繫莒爲兩與之邪

張自超宗朱辨義

○凡國逆則書入而繫之以

國去疾以羣公子召而入稱國國逆之例也非謂其宜立也凡

奔皆繫國展與出奔稱國亦例也謂罪諸侯之與其立無此義

也

余庭垣管窺

○傳稱犁比公生去疾及展與則去疾長子當立與

齊小白陽生繫國義同至展與繫國先儒以爲罪諸侯之與其

立非也出奔則未有不繫國者蓋雖不當立而既有其國矣安

得不以實書

葉西究遠

○去疾展與皆繫之莒者爭國之辭也去疾

繫莒明其當立也展與繫莒明其已立也

牛運震傳

○凡歸入或繫

國或不繫國便文耳非義例也鄭突齊糾曹亦不繫國者蒙上

文也突蒙執鄭祭仲之文糾蒙伐齊之文赤蒙侵曹之文雖不

繫國從可知也鄭忽齊小白曹羈必繫國者文無所蒙也鄭忽

曹羈文有所蒙矣若小白不繫國則納糾小白連文爲不辭若小白獨繫國鄭忽曹羈皆不繫國則又嫌於別爲義例令人疑故皆繫國也方氏苞謂展與當承國若名不繫國則疑於庶孽爭立非也卽名繫國何知非庶孽爭立者也蔡行說略○愚按兩

繫國之義李朱張徐牛葉諸說並可參而實是史文當如是故

朱子以爲舊史之辭也

見語類

至去疾展與之爭國皆屬不正以

去疾爲當立者但論其長幼序次之理爾旣無父命而爭之則逆矣以繫國爲春秋與其立未是也若展與受命承國而與聞乎弑方氏謂之正更誤矣其繫國乃因君莒爾

昭十三年秋蔡侯廬歸于蔡陳侯吳歸于陳

按吳氏激謂突赤不當有國故不繫國廬吳當有其國故書國非也此乃失國之君歸國之恆辭耳若廬吳不繫國何以明其

爲蔡陳之君邪彼突赤自蒙上文故不必繫說見前

六年秋齊陽生入于齊

書齊陽生入于齊上文無所蒙下不言歸不言齊陽生將不知

其爲何國公子也非以其當有國而繫之齊也

卓爾康辨義

○繫齊

與莒去疾同上無所蒙不繫不著也而茶稱君展與蒙上更繫

莒辭亦不嫌也

高澍然釋經

○胡傳謂繫之齊著亂之所由生罪景

公廢長立少啟亂也然書齊未足著景之罪也鄭突曹赤書歸

歸其本國也可以不繫國入則疑於異國焉故詳著之耳

陸榮胡傳

辨疑

○公穀皆謂陽生正茶不正程子胡氏遂以陽生稱齊謂景

公廢長立少以啟亂不知陽生於羣公子列在五上有子嘉子

駒子黔子鉏非陽生爲長安得爲正其稱齊者非謂其長而宜

立也春秋之例凡公子國逆而立之曰入如齊小白莒去疾齊

陽生皆國逆也故書入而繫之以國非言其宜有國也胡氏又謂繫之齊者著亂之所由生然陽生入而亂在後小白去疾未入而先亂豈亦亂之所由生乎胡氏於小白繫齊不云著亂之所由生何於此書法相同者而殊說也

徐庭垣  
管窺

哀二年夏晉趙鞅帥師納衛世子蒯瞶于戚

李氏說見上文十四年